

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं
--

कृष्ण यजुर्वेदिय तैत्तिरीय संहिता क्रम पाठः

प्रथम काण्डे, चतुर्थः प्रश्नः

Table of Contents

1 कृष्ण यजुर्वेदिय तैत्तिरीय संहिता क्रम पाठः	3
1.4 प्रथम काण्डे चतुर्थः प्रश्नः – सुत्यादिने कर्तव्या ग्रहाः.....	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदिय तैत्तिरीय संहिता क्रम पाठः

1.4 प्रथम काण्डे चतुर्थः प्रश्नः – सुत्यादिने कर्तव्या ग्रहाः

T.S.1.4.1.1 - Kramam

आ ददे । ददे॑ ग्रा॒वा । ग्रा॒वाऽसि॑ । अ॒स्य॒ध्व॒र॒कृ॒त् ।
अ॒ध्व॒र॒कृ॒द् दे॒वेभ्यः॑ । अ॒ध्व॒र॒कृ॒दित्य॑ध्व॒र॒कृ॒त् । दे॒वेभ्यो॑ ग॒म्भीर॑म् ।
ग॒म्भीर॑मिमम् । इ॒मम॑ध्व॒रम् । अ॒ध्व॒र॒म् कृ॒धि । कृ॒ध्यु॒त्तमे॑न ।
उ॒त्तमे॑न प॒विना॑ । उ॒त्तमे॑नेत्यु॒त्तमे॑न । प॒विने॑न्द्राय । इ॒न्द्राय॑ सोम॑म् ।
सोम॑ सु॒षुत॑म् । सु॒षुत॑म् म॒धुम॑न्तम् । सु॒षुत॑मि॒ति सु॒ – सु॒तम् ।
म॒धुम॑न्तम् प॒यस्व॑न्तम् । म॒धुम॑न्तमि॒ति म॒धु – म॒न्तम् । प॒यस्व॑न्तं
वृ॒ष्टि॒वनि॑म् । वृ॒ष्टि॒वनि॑मिन्द्राय । वृ॒ष्टि॒वनि॑मि॒ति वृ॒ष्टि – व॒निम् ।
इ॒न्द्राय॑ त्वा । त्वा वृ॒त्रघ्ने॑ । वृ॒त्रघ्न॑ इ॒न्द्राय॑ । वृ॒त्रघ्न॑ इति॑ वृ॒त्र – घ्ने॑ ।
इ॒न्द्राय॑ त्वा । त्वा वृ॒त्रतु॑रे । वृ॒त्रतु॑र इ॒न्द्राय॑ । वृ॒त्रतु॑र इति॑ वृ॒त्र – तु॑रे ।
इ॒न्द्राय॑ त्वा । त्वाऽभि॑माति॒घ्ने । अ॒भिमा॑ति॒घ्न इ॒न्द्राय॑ ।

तैत्तिरीय संहिता क्रम पाठे (TS 1.4)

अ॒भि॒मा॒ति॒घ्न॑ इ॒त्य॒भि॒मा॒ति॒ - घ्न॑ । इ॒न्द्रा॒य॒ त्वा॒ । त्वा॒ ऽऽदि॒त्य॒व॒ते॒ ।
आ॒दि॒त्य॒व॒त॒ इ॒न्द्रा॒य॒ । आ॒दि॒त्य॒व॒त॒ इ॒त्या॒दि॒त्य॒ - व॒ते॒ । इ॒न्द्रा॒य॒ त्वा॒ ।
त्वा॒ वि॒श्व॒दे॒व्या॒व॒ते॒ । वि॒श्व॒दे॒व्या॒व॒ते॒ श्वा॒त्राः॑ । वि॒श्व॒दे॒व्या॒व॒त॒ इति॑
वि॒श्व॒दे॒व्य॒ - व॒ते॒ । श्वा॒त्राः॑ स्थ॑ । स्थ॑ वृ॒त्र॒तु॒रः॑ । वृ॒त्र॒तु॒रो॒ रा॒धो॒गू॒र्ताः॑ ।
वृ॒त्र॒तु॒र॒ इति॑ वृ॒त्र॒ - तु॒रः॑ । रा॒धो॒गू॒र्ता॒ अ॒मृ॒त॒स्य॑ । रा॒धो॒गू॒र्ता॒ इति॑
रा॒धः॑ - गू॒र्ताः॑ । अ॒मृ॒त॒स्य॑ प॒त्नीः॑ । प॒त्नी॒स्ताः॑ । ता॒ दे॒वीः॑ । दे॒वीर्
दे॒व॒त्रा॑ । दे॒व॒त्रे॒मम् । दे॒व॒त्रे॒ति॒ दे॒व॒ - त्रा॑ । इ॒मं॑ य॒ज्ञम् । य॒ज्ञम्॑ ध॒त्त॑ ।
ध॒त्तो॒प॒हू॒ताः॑ । उ॒प॒हू॒ताः॑ सो॒म॒स्य॑ । उ॒प॒हू॒ता॒ इत्यु॒प॒ - हू॒ताः॑ । सो॒म॒स्य॑
पि॒ब॒त॑ । पि॒ब॒तो॒प॒हू॒तः॑ । उ॒प॒हू॒तो॒ यु॒ष्मा॒कम्॑ । उ॒प॒हू॒त॒ इत्यु॒प॒ - हू॒तः॑ ।
यु॒ष्मा॒क॑ सो॒मः॑ । 1 (50/65)

T.S.1.4.1.2 - Kramam

सो॒मः॑ पि॒ब॒तु॑ । पि॒ब॒तु॒ यत् । य॒त्ते॑ । ते॒ सो॒म॒ । सो॒म॒ दि॒वि॒ । दि॒वि॒
ज्यो॒तिः॑ । ज्यो॒ति॒र् यत् । यत् पृ॒थि॒व्याम्॑ । पृ॒थि॒व्यां॑ य॒त् । य॒दु॒रौ॑ ।
उ॒रा॒व॒न्त॒रि॒क्षे॑ । अ॒न्त॒रि॒क्षे॑ ते॒न॑ । ते॒ना॒स्मै॑ । अ॒स्मै॑ य॒ज॒मा॒नाय॑ ।
य॒ज॒मा॒नायो॒रु॑ । उ॒रु॒ रा॒या॑ । रा॒या॑ कृ॒धि॑ । कृ॒ध्य॒धि॑ । अ॒धि॑ दा॒त्रे॑ ।

प्रथम काण्डे – चतुर्थः प्रश्नः – (TS 1.4)

दा॒त्रे वो॒चः । वो॒चो धि॒षणे॑ । धि॒षणे॑ वी॒डू । धि॒षणे॑ इति॑ धि॒षणे॑ ।
वी॒डू स॒ती । वी॒डू इति॑ वी॒डू । स॒ती वी॒डये॑थाम् । स॒ती इति॑ स॒ती ।
वी॒डये॑थामूर्जम् ॥ ऊ॒र्जम् द॒धाथाम् । द॒धाथामूर्जम् ॥ ऊ॒र्जम् मे॑ ।
मे॑ ध॒त्तम् । ध॒त्तम् मा॑ । मा॑ वा॒म् । वा॒॒ हि॒॒॒सि॒षम् । हि॒॒॒सि॒षम् मा॑ ।
मा॑ मा॑ । मा॑ हि॒॒॒सि॒ष्टम् । हि॒॒॒सि॒ष्टम् प्राक् । प्रा॒गपाक् । अ॒पागु॑दक् ।
उद॑गध॒राक् । अ॒धरा॑क्ताः । ता॒ स्त्वा॑ । त्वा॒ दि॒शः । दि॒श आ॑ ।
आ॒ धा॒वन्तु॑ । धा॒वन्त्व॑म्ब । अ॒म्ब नि॑ । नि॒ष्वर॑ । स्वर॑ेति॒ स्वर॑ ॥
यत् ते॑ () । ते॑ सो॒म । सो॒मादा॑भ्यम् । अ॒दाभ्य॑म् नाम॑ । नाम॑
जा॒गृवि॑ । जा॒गृवि॑ तस्मै॑ ॥ तस्मै॑ ते॑ । ते॑ सो॒म । सो॒म सो॒माय॑ ।
सो॒माय॑ स्वा॒हा । स्वा॒हेति॑ स्वा॒हा ॥ 2 (59/62)

(युष्माक॑ – स्वर॑ यत्ते॑ – नव॑ च) (A1)

T.S.1.4.2.1 - Kramam

वा॒चस्प॑तये॑ । प॒तये॑ प॒वस्व॑ । प॒वस्व॑ वा॒जिन् । वा॒जिन् वृ॒षा ।
वृ॒षा वृ॒ष्णः । वृ॒ष्णो अ॒॒शुभ्या॑म् । अ॒॒शुभ्या॑म् ग॒भस्ति॑पूतः ।
अ॒॒शुभ्या॑मित्य॒शु – भ्या॑म् । ग॒भस्ति॑पूतो॒ देवः॑ ।

तैत्तिरीय संहिता क्रम पाठे (TS 1.4)

ग॒भ॒स्ति॒पू॒त इति॑ ग॒भ॒स्ति-पू॒तः । दे॒वो दे॒वाना॑म् । दे॒वाना॑म् प॒वि॒त्रम् ।
प॒वि॒त्रम॑सि । अ॒सि ये॒षाम् । ये॒षाम् भा॒गः । भा॒गोऽसि॑ । अ॒सि
ते॒भ्यः । ते॒भ्यस्त्वा । त्वा स्वा॒ङ्क॒तः । स्वा॒ङ्क॒तोऽसि॑ ।

अ॒सि म॒धु॒मतीः॑ । म॒धु॒मती॑र् नः । म॒धु॒मती॑रिति॑ म॒धु - म॒तीः ।
न इ॒षः । इ॒षस्कृ॑धि । कृ॒धि वि॒श्वेभ्यः॑ । वि॒श्वेभ्य॑स्त्वा । त्वे॒न्द्रि॒येभ्यः॑ ।
इ॒न्द्रि॒येभ्यो॑ दि॒व्येभ्यः॑ । दि॒व्येभ्यः॑ पा॒र्थि॒वेभ्यः॑ । पा॒र्थि॒वेभ्यो॑ म॒नः ।
म॒नस्त्वा । त्वाऽष्टु॑ । अ॒ष्टू॒रु । उ॒र्वन्त॑रि॒क्षम् । अ॒न्त॑रि॒क्षम॑नु । अ॒न्वि॒हि ।
इ॒हि स्वा॒हा ॥ स्वा॒हा त्वा । त्वा सु॒भ॒वः । सु॒भ॒वः सू॒र्या॒य । सु॒भ॒व
इति॑ सु-भ॒वः । सू॒र्या॒य दे॒वेभ्यः॑ । दे॒वेभ्य॑स्त्वा । त्वा म॒री॒चि॒पे॒भ्यः ।
म॒री॒चि॒पे॒भ्य ए॒षः । म॒री॒चि॒पे॒भ्य इति॑ म॒री॒चि - पे॒भ्यः । ए॒ष ते॑ ।
ते॒ यो॒निः । यो॒निः प्रा॒णाय॑ । प्रा॒णाय॑ त्वा । प्रा॒णाये॑ति॒ प्र - अ॒ना॒य ।
त्वे॒ति॒त्वा ॥ 3 (47/53) (वा॒चः-स॒प्त॒च॒त्वा॒रि॒ञ्शत्) (A2)

T.S.1.4.3.1 - Kramam

उ॒प॒या॒म॒गृ॒ही॒तोऽसि॑ । उ॒प॒या॒म॒गृ॒ही॒त इत्यु॑प॒या॒म - गृ॒ही॒तः ।
अ॒स्य॒न्तः । अ॒न्तर् य॑च्छ । य॒च्छ म॑घ॒वन् । म॑घ॒वन् पा॒हि ।
म॑घ॒न॒न्नि॒ति म॑घ - व॒न् । पा॒हि सो॒मम् । सो॒म॒मु॒रु॒ष्य । उ॒रु॒ष्य रा॑यः ।

प्रथम काण्डे – चतुर्थः प्रश्नः – (TS 1.4)

रा॒यः॑ सम् । समि॑षः । इ॒षो॑ यज॒स्व । यज॒स्वान्तः॑ । अ॒न्तस्ते॑ ॥
ते द॒धामि॑ । द॒धामि॑ द्या॒वापृ॑थि॒वी । द्या॒वापृ॑थि॒वी अ॒न्तः । द्या॒वापृ॑थि॒वी
इति॑ द्या॒वा – पृ॒थि॒वी । अ॒न्तरु॑रु । उ॒र्वन्त॑रि॒क्षम् । अ॒न्तरि॑क्षम्
सजो॑षाः । सजो॑षा दे॒वैः । सजो॑षा इति॑ स – जो॑षा । दे॒वैर॑वरैः ।
अ॒वरैः॑ परैः॑ । परै॑श्च । चा॒न्तर्या॑मे । अ॒न्तर्या॑मे म॒घव॑न् । अ॒न्तर्या॑म
इत्य॑न्तः – या॒मे । म॒घव॑न् मा॒दय॑स्व । म॒घव॑न्निति॑ म॒घ – व॑न् ।
मा॒दय॑स्व स्वा॒ङ्कृतः॑ । स्वा॒ङ्कृतो॑ऽसि । अ॒सि म॑धु॒मतीः॑ । म॑धु॒मती॑र्
नः । म॑धु॒मती॑रिति॑ म॒धु – म॑तीः । न इ॒षः । इ॒षस्कृ॑धि । कृ॒धि
विश्वे॑भ्यः । विश्वे॑भ्यस्त्वा । त्वे॒न्द्रिये॑भ्यः । इ॒न्द्रिये॑भ्यो दि॒व्येभ्यः॑ ।
दि॒व्येभ्यः॑ पा॒र्थिवे॑भ्यः । पा॒र्थिवे॑भ्यो म॒नः । म॒नस्त्वा । त्वाऽष्टु॑ ।
अष्टू॑रु । उ॒र्वन्त॑रि॒क्षम् । अ॒न्तरि॑क्ष॒मनु॑ । अ॒न्विहि॑ । इ॒हि स्वा॑हा ॥
स्वा॑हा त्वा । त्वा सु॒भवः॑ । सु॒भवः॑ सू॒र्याय॑ । सु॒भव॑ इति॑ सु॒-भ॒वः ।
सू॒र्याय॑ दे॒वेभ्यः॑ () । दे॒वेभ्य॑स्त्वा । त्वा म॒रीचि॑पे॒भ्यः । म॒रीचि॑पे॒भ्य
ए॒ष । म॒रीचि॑पे॒भ्य इति॑ म॒रीचि॑ – पे॒भ्यः । ए॒ष ते॑ । ते॒ योनिः॑ ।

यो॒निर॒पा॒नाय॑ । अ॒पा॒नाय॑ त्वा । अ॒पा॒नाये॑त्यप – अ॒नाय॑ ।

त्वे॒ति॒ त्वा ॥ 4 (57/57) (दे॒वै॒भ्यः-स॒प्त च॑) (A3)

T.S.1.4.4.1 - Kramam

आ वा॒यो । वा॒यो भू॒ष । वा॒यो इति॑ वा॒यो । भू॒ष शु॒चि॒पाः ।

शु॒चि॒पा उप॑ । शु॒चि॒पा इति॑ शु॒चि – पाः॑ । उप॑ नः । नः॑ स॒हस्र॑म् ।

स॒हस्र॑म् ते । ते॒ नि॒युतः॑ । नि॒युतो॑ वि॒श्ववा॑र । नि॒युत॑ इति॑ नि – यु॒तः ।

वि॒श्ववा॑रेति॑ वि॒श्व – वा॑र ॥ उ॒पो ते॑ । उ॒पो इत्यु॒पो । ते॒ अ॒न्धः ।

अ॒न्धो म॒द्यम् । म॒द्यम॑या॒मि । अ॒या॒मि य॒स्य । य॒स्य दे॒व । दे॒व द॒धिषे॑ ।

द॒धिषे॑ पूर्॒वपे॑यम् । पूर्॒वपे॑यमि॒ति पूर्॒व – पे॑यम् ॥ उ॒पया॑म॒गृही॑तोऽसि ।

उ॒पया॑म॒गृही॑त इत्यु॒पया॑म – गृ॒हीतः॑ । अ॒सि वा॒यवे॑ । वा॒यवे॑ त्वा ।

त्वे॒न्द्रवा॒यू । इ॒न्द्रवा॒यू इ॒मे । इ॒न्द्रवा॒यू इती॒न्द्र – वा॒यू । इ॒मे सु॒ताः ।

सु॒ता इति॑ सु॒ताः ॥ उ॒प प्र॒योभिः॑ । प्र॒योभि॑रा । प्र॒योभि॑रिति॑

प्र॒यः – भिः॑ । आ ग॒तम् । ग॒तमि॒न्द्रवः॑ । इ॒न्द्रवो॑ वा॒म् । वा॒मु॒श॒न्ति॑ ।

उ॒श॒न्ति॑ हि । ही॒ति हि ॥ उ॒पया॑म॒गृही॑तोऽसि । उ॒पया॑म॒गृही॑त

इत्यु॒पया॑म – गृ॒हीतः॑ । अ॒सी॒न्द्रवा॒युभ्या॑म् । इ॒न्द्रवा॒युभ्या॑म् त्वा ।

इ॒न्द्रवा॒युभ्या॑मिती॒न्द्रवा॒यु – भ्या॑म् । त्वै॒षः । ए॒ष ते॑ । ते॒ यो॒निः ।

प्रथम काण्डे – चतुर्थः प्रश्नः – (TS 1.4)

यो॒निः स॒जोषा॑भ्याम् । स॒जोषा॑भ्याम् त्वा । स॒जोषा॑भ्यामि॒ति
स – जो॒षाभ्याम् । त्वेति॑ त्वा ॥ 5 (43/53)

(आ वा॒यो – त्रि॒चत्वा॑रि॒शत्) (A4)

T.S.1.4.5.1 - Kramam

अयं॑ वा॒म् । वा॒म् मि॒त्राव॑रुणा । मि॒त्राव॑रुणा सु॒तः ।
मि॒त्राव॑रुणेति॑ मि॒त्रा – व॑रुणा । सु॒तः सो॒मः । सो॒म ऋ॑तावृ॒धा ।
ऋ॑तावृ॒धेत्यृ॑त – वृ॒धा ॥ ममे॑त् । इ॒दिह॑ । इ॒ह श्रु॑तम् । श्रु॒तं ह॑वम् ।
ह॒वमि॑ति॒ हव॑म् ॥ उ॒पया॑म॒गृही॑तोऽसि । उ॒पया॑म॒गृही॑त
इ॒त्यु॒पया॑म – गृ॒हीतः॑ । अ॒सि मि॒त्राव॑रुणाभ्याम् । मि॒त्राव॑रुणाभ्याम्
त्वा । मि॒त्राव॑रुणाभ्यामि॒ति मि॒त्रा – व॑रुणाभ्याम् । त्वैषः॑ । ए॒ष ते॑ ।
ते यो॒निः । यो॒निर्ऋ॑तायु॒भ्याम् । ऋ॑तायु॒भ्याम् त्वा ।
ऋ॑तायु॒भ्यामि॒त्यृ॒तायु॑ – भ्याम् । त्वेति॑ त्वा ॥ 6 (20/24)

(अयं॑ वा॒ं – वि॒शतिः॑) (A5)

T.S.1.4.6.1 - Kramam

या वा॒म् । वा॒म् क॒शा । क॒शा म॑धु॒मती॑ । म॑धु॒मत्य॑श्चि॒ना । म॑धु॒मती॑ति
म॑धु – म॒ती । अ॒श्चि॒ना सू॒नृता॑वती । सू॒नृता॑वतीति॑ सू॒नृता॑ – व॒ती ॥

तया य॒ज्ञम् । य॒ज्ञम् मि॒मिक्ष॑तम् । मि॒मिक्ष॑तमि॒ति मि॒मिक्ष॑तम् ॥
उप॒याम॑गृहीतोऽसि । उप॒याम॑गृही॒त इत्यु॑प॒याम॑ – गृही॒तः ।
अस्य॑श्चि॒भ्याम् । अश्चि॒भ्याम् त्वा । अश्चि॒भ्यामि॒त्यश्चि॑ – भ्याम् ।
त्वैषः । एष॑ ते॒ । ते॒ योनिः॑ । योनि॑र् मा॒ध्वी॒भ्याम् । मा॒ध्वी॒भ्याम्
त्वा । त्वेति॑ त्वा ॥ 7 (18/21) (या वा॑ – म॒ष्टाद॑श) (A6)

T.S.1.4.7.1 - Kramam

प्रा॒तर्यु॒जौ वि॑ । प्रा॒तर्यु॒जावि॑ति प्रा॒तः – यु॒जौ । वि॑ मु॒च्ये॒थाम् ।
मु॒च्ये॒थामश्चि॑नौ । अश्चि॑ना॒वा । ए॒ह । इ॒ह ग॑च्छ॒तम् । ग॑च्छ॒तमि॒ति
ग॑च्छ॒तम् ॥ अ॒स्य सो॑म॒स्य । सो॑म॒स्य पी॒तये॑ । पी॒तय॑ इति॑ पी॒तये॑ ॥
उप॒याम॑गृहीतोऽसि । उप॒याम॑गृही॒त इत्यु॑प॒याम॑ – गृही॒तः ।
अस्य॑श्चि॒भ्याम् । अश्चि॒भ्याम् त्वा । अश्चि॒भ्यामि॒त्यश्चि॑ – भ्याम् ।
त्वैषः । एष॑ ते॒ । ते॒ योनिः॑ । योनि॑रश्चि॒भ्याम् । अश्चि॒भ्याम् त्वा ।
अश्चि॒भ्यामि॒त्यश्चि॑ – भ्याम् । त्वेति॑ त्वा ॥ 8 (19/23)
(प्रा॒तर्यु॒जावे॑ – का॒न्न वि॑श॒तिः) (A7)

T.S.1.4.8.1 - Kramam

अ॒यं वै॒नः । वै॒नश्चो॑द॒यत् । चो॒द॒यत् पृ॒श्नि॑ग॒र्भाः । पृ॒श्नि॑ग॒र्भा
ज्यो॑ति॒र्जरा॑युः । पृ॒श्नि॑ग॒र्भा इति॑ पृ॒श्नि॑ – ग॒र्भाः । ज्यो॑ति॒र्जरा॑यू
रज॑सः । ज्यो॑ति॒र्जरा॑युरिति॑ ज्यो॑तिः – ज॒रायुः॑ । रज॑सो वि॒माने॑ ॥
वि॒मान॑ इति॑ वि – मा॒ने ॥ इ॒मम॑पा॒म् । अ॒पाꣳ स॒ङ्गमे॑ । स॒ङ्गमे॑
सूर्य॑स्य । स॒ङ्गम॑ इति॑ स॒म् – ग॒मे । सूर्य॑स्य शि॒शुम् । शि॒शुन् ।
न वि॒प्राः । वि॒प्रा म॑ति॒भिः । म॑ति॒भी रि॑हन्ति । म॑ति॒भिरिति॑ म॑ति॒भिः ।
रि॑हन्तीति॑ रि॑हन्ति ॥ उ॒प॒या॒मगृ॑हीतोऽसि॑ । उ॒प॒या॒मगृ॑हीत
इ॒त्यु॒प॒या॒म – गृ॑हीतः । अ॒सि श॑ण्डाय । श॑ण्डाय त्वा । त्वै॒षः ।
ए॒ष ते॑ ॥ ते॒ यो॒निः । यो॒निर् वी॒रता॑म् । वी॒रता॑म् पा॒हि ।
पा॒हीति॑ पा॒हि ॥ 9 (25/30) (अ॒यं वै॒नः – पञ्च॑वि॒ंशतिः॑) (A8)

T.S.1.4.9.1 - Kramam

त॒म् प्र॒त्न॒था । प्र॒त्न॒था पू॒र्व॒था । पू॒र्व॒था वि॒श्व॒था । वि॒श्व॒थेम॒था ।
इ॒म॒था ज्ये॑ष्ठ॒ताति॑म् । ज्ये॑ष्ठ॒ताति॑म् ब॒र्हिष॑द॒म् । ज्ये॑ष्ठ॒ताति॑मिति॑
ज्ये॑ष्ठ – ता॒ति॒म् । ब॒र्हिष॑दꣳ सु॒व॒र्वि॒द॒म् ।
ब॒र्हिष॑द॒मिति॑ ब॒र्हि – स॒द॒म् । सु॒व॒र्वि॒द॒म् प्र॒ती॒ची॒न॒म् ।

तैत्तिरीय संहिता क्रम पाठे (TS 1.4)

सु॒व॒र्वि॒द॒मि॒ति॑ सु॒वः॑ – वि॒दम् । प्र॒ती॒ची॒नं॑ वृ॒ज॒नम् । वृ॒ज॒नम्॑ दो॒ह॒से॑ ।
दो॒ह॒से॑ गि॒रा । गि॒राऽऽशु॑म् । आ॒शुम्॑ ज॒य॒न्त॒म् । ज॒य॒न्त॒म॒नु॑ ।
अ॒नु॒ या॒सु॑ । या॒सु॑ वर्ध॒से॑ । वर्ध॒स॒ इति॑ वर्ध॒से॑ ॥ उ॒प॒या॒म॒गृ॒ही॒तो॒ऽसि॑ ।
उ॒प॒या॒म॒गृ॒ही॒त॒ इत्यु॑प॒या॒म – गृ॒ही॒तः॑ । अ॒सि॒ म॒र्का॒य॑ । म॒र्का॒य॑ त्वा ।
त्वै॒षः॑ । ए॒ष ते॑ । ते॒ यो॒निः॑ । यो॒निः॑ प्र॒जाः॑ । प्र॒जाः॑ पा॒हि॑ ।
प्र॒जा इति॑ प्र – जाः॑ । पा॒ही॒ति॑ पा॒हि॑ ॥ 10 (26/31)

(तं प्र॒ल॒था-ष॒ट्वि॒ंश॒तिः॑) (A9)

T.S.1.4.10.1 - Kramam

ये॒ दे॒वाः॑ । दे॒वा दि॒वि॑ । दि॒व्ये॒का॒द॒श॑ । ए॒का॒द॒श॑ स्थ॒ । स्थ॒ पृ॒थि॒व्याम्॑ ।
पृ॒थि॒व्या॒म॒धि॑ । अ॒ध्ये॒का॒द॒श॑ । ए॒का॒द॒श॑ स्थ॒ । स्था॒प्सु॒ष॒दः॑ । अ॒प्सु॒ष॒दो॑
म॒हि॒ना॑ । अ॒प्सु॒ष॒द॒ इत्य॑प्सु – स॒दः॑ । म॒हि॒नै॒का॒द॒श॑ । ए॒का॒द॒श॑ स्थ॒ ।
स्थ॒ ते॑ । ते॒ दे॒वाः॑ । दे॒वा य॒ज्ञम्॑ । य॒ज्ञ॒मि॒मम्॑ । इ॒मम्॑ जु॒ष॒ध्वम्॑ ।
जु॒ष॒ध्व॒मु॒प॒या॒म॒गृ॒ही॒तः॑ । उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त॒
इत्यु॑प॒या॒म – गृ॒ही॒तः॑ । अ॒स्या॒ग्र॒य॒णः॑ । आ॒ग्र॒य॒णो॒ऽसि॑ । अ॒सि॒
॥ स्वा॒ग्र॒य॒णः॑ । स्वा॒ग्र॒य॒णो॒ जि॒न्व॑ । स्वा॒ग्र॒य॒ण॒ इति॑ सु – आ॒ग्र॒य॒णः॑ ।
जि॒न्व॑ य॒ज्ञम्॑ । य॒ज्ञम्॑ जि॒न्व॑ । जि॒न्व॑ य॒ज्ञ॒प॒तिम्॑ । य॒ज्ञ॒प॒ति॒म॒भि॑ ।

प्रथम काण्डे – चतुर्थः प्रश्नः – (TS 1.4)

य॒ज्ञ॒प॒ति॒मि॒ति॒ य॒ज्ञ – प॒ति॒म् । अ॒भि स॒व॒ना । स॒व॒ना पा॒हि । पा॒हि
वि॒ष्णुः । वि॒ष्णु॒स्त्वा॒म् । त्वा॒म् पा॒तु । पा॒तु वि॒श॒म् । वि॒श॒म् त्व॒म् ।
त्व॒म् पा॒हि । पा॒ही॒न्द्रि॒येण॑ । इ॒न्द्रि॒येणै॒षः । ए॒ष ते॑ । ते॒ यो॒निः ।
यो॒निर् वि॒श्वे॑भ्यः । वि॒श्वे॑भ्य॒स्त्वा । त्वा दे॒वेभ्यः॑ । दे॒वेभ्य॑ इति॑
दे॒वेभ्यः॑ ॥ 11 (43/47) (ये दे॒वा-स्त्रि॒च॒त्वा॒रि॒ंशत्) (A10)

T.S.1.4.11.1 - Kramam

त्रि॒ंशत् त्रयः॑ । त्रयश्च॑ । च ग॒णि॒नः । ग॒णि॒नो रु॒ज॒न्तः । रु॒ज॒न्तो
दि॒वम् । दि॒व॒ं रु॒द्राः । रु॒द्राः पृ॒थि॒वी॒म् । पृ॒थि॒वी॒म् च॑ । च स॒च॒न्ते॑ ।
स॒च॒न्त इति॑ स॒च॒न्ते॑ ॥ ए॒का॒द॒शा॒सौ अ॒प्सुष॑दः । अ॒प्सुष॑दः सु॒तम् ।
अ॒प्सुष॑द इत्य॒प्सु – स॒दः । सु॒त॒ं सो॒मम् । सो॒मम् जु॒ष॒न्ता॒म् ।
जु॒ष॒न्ता॒ं स॒व॒नाय॑ । स॒व॒नाय॑ वि॒श्वे॑ । वि॒श्व इति॑ वि॒श्वे॑ ॥
उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त इत्यु॒प॒या॒म-गृ॒ही॒तः । अ॒स्या॒ग्र॒य॒णः ।
आ॒ग्र॒य॒णो॒ऽसि॑ । अ॒सि स्वा॒ग्र॒य॒णः । स्वा॒ग्र॒य॒णो जि॒न्व । स्वा॒ग्र॒य॒ण
इति॑ सु-आ॒ग्र॒य॒णः । जि॒न्व य॒ज्ञ॒म् । य॒ज्ञ॒म् जि॒न्व । जि॒न्व य॒ज्ञ॒प॒ति॒म् ।

तैत्तिरीय संहिता क्रम पाठे (TS 1.4)

य॒ज्ञ॒प॒ति॒म॒भि॒ । य॒ज्ञ॒प॒ति॒मि॒ति॒ य॒ज्ञ॒ – प॒ति॒म् । अ॒भि॒ स॒व॒ना॒ ।
स॒व॒ना॒ पा॒हि॒ । पा॒हि॒ वि॒ष्णुः॑ । वि॒ष्णु॒स्त्वा॒म् । त्वा॒म् पा॒तु॒ । पा॒तु॒ वि॒श॒म् ॥
वि॒श॒म् त्व॒म् । त्व॒म् पा॒हि॒ । पा॒ही॒न्द्रि॒ये॒ण॑ । इ॒न्द्रि॒ये॒णै॒षः॑ । ए॒ष ते॑ ॥
ते॒ यो॒निः॑ । यो॒नि॒र् वि॒श्वे॑भ्यः । वि॒श्वे॑भ्य॒स्त्वा॒ । त्वा॒ दे॒वे॒भ्यः॑ ।
दे॒वे॒भ्य इति॑ दे॒वे॒भ्यः॑ ॥ 12 (42/46)

(त्रि॒ंश॒त्रयो॑-द्वि॒च॒त्वारि॑ंशत्) (A11)

T.S.1.4.12.1 - Kramam

उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त इ॒त्यु॒प॒या॒म – गृ॒ही॒तः॑ ।
अ॒सी॒न्द्रा॒य॒ । इ॒न्द्रा॒य॒ त्वा॒ । त्वा॒ बृ॒ह॒द्व॒ते॑ । बृ॒ह॒द्व॒ते॑ व॒य॒स्व॒ते॑ । बृ॒ह॒द्व॒त॒
इति॑ बृ॒ह॒त् – व॒ते॑ । व॒य॒स्व॒त उ॒क्था॒यु॒वे॑ ॥ उ॒क्था॒यु॒वे॑ यत् । उ॒क्था॒यु॒व॒
इ॒त्यु॒क्थ॒-यु॒वे॑ ॥ य॒त्ते॑ । त॒ इ॒न्द्र॒ । इ॒न्द्र॒ बृ॒ह॒त् । बृ॒ह॒द् व॒यः॑ । व॒य॒स्त॒स्मै॑ ॥
त॒स्मै॑ त्वा॒ । त्वा॒ वि॒ष्ण॒वे॑ । वि॒ष्ण॒वे॑ त्वा॒ । त्वै॒षः॑ । ए॒ष ते॑ ॥ ते॒ यो॒निः॑ ।
यो॒नि॒रि॒न्द्रा॒य॒ । इ॒न्द्रा॒य॒ त्वा॒ । त्वो॒क्था॒यु॒वे॑ ॥ उ॒क्था॒यु॒व इ॒त्यु॒क्थ॒-यु॒वे॑ ॥

13 (22/25) (उ॒प॒या॒म॒गृ॒ही॒तो॒ऽसि॑न्द्रा॒य॒-द्वा॒वि॒ंश॒तिः॑) (A12)

T.S.1.4.13.1 - Kramam

मूर्धानम् दिवः । दिवो अरतिम् । अरतिम् पृथिव्याः ।
पृथिव्या वैश्वानरम् । वैश्वानरमृताय । ऋताय जातम् । जातमग्निम् ।
अग्निमित्यग्निम् ॥ कविः सम्राजम् । सम्राजमतिथिम् । सम्राजमिति
सम् – राजम् । अतिथिम् जनानाम् । जनानामासन् । आसन्ना ।
आ पात्रम् । पात्रम् जनयन्त । जनयन्त देवाः । देवा इति देवाः ॥
उपयामगृहीतोऽसि । उपयामगृहीत इत्युपयाम-गृहीतः । अस्यग्नये ॥
अग्नये त्वा । त्वा वैश्वानराय । वैश्वानराय ध्रुवः । ध्रुवोऽसि । असि
ध्रुवक्षितिः । ध्रुवक्षितिर् ध्रुवाणाम् । ध्रुवक्षितिरिति ध्रुव – क्षितिः ।
ध्रुवाणाम् ध्रुवतमः । ध्रुवतमोऽच्युतानाम् । ध्रुवतम इति ध्रुव-तमः ।
अच्युतानामच्युतक्षित्तमः । अच्युतक्षित्तम एषः । अच्युतक्षित्तम
इत्यच्युतक्षित् – तमः । एष ते । ते योनिः । योनिरग्नये । अग्नये
त्वा । त्वा वैश्वानराय । वैश्वानरायेति वैश्वानराय ॥ 14 (35/40)

(मूर्ध्नि-पञ्चत्रिंशत्) (A13)

तैत्तिरीय संहिता क्रम पाठे (TS 1.4)

T.S.1.4.14.1 - Kramam

मधु॑श्च । च॒ मा॒ध॒वः । मा॒ध॒वश्च॑ । च॒ शु॒क्रः । शु॒क्रश्च॑ । च॒ शु॒चिः ।
शु॒चिश्च॑ । च॒ न॒भः । न॒भश्च॑ । च॒ न॒भ॒स्यः । न॒भ॒स्यश्च॑ । चे॒षः । इ॒षश्च॑ ।
चो॒र्जः । ऊ॒र्जश्च॑ । च॒ स॒हः । स॒हश्च॑ । च॒ स॒ह॒स्यः । स॒ह॒स्यश्च॑ ।
च॒ त॒पः । त॒पश्च॑ । च॒ त॒प॒स्यः । त॒प॒स्यश्च॑ । चो॒प॒या॒म॒गृ॒ही॒तः ।
उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त इ॒त्यु॒प॒या॒म – गृ॒ही॒तः ।
अ॒सि स॒र्पः । स॒र्पो॒ऽसि॑ । स॒र्प इति॑ स॒म् – स॒र्पः ।
अ॒स्य॒ह॒स्प॒त्याय॑ । अ॒ह॒स्प॒त्याय॑ त्वा ।
अ॒ह॒स्प॒त्याये॒त्य॒हः – प॒त्याय॑ । त्वेति॑ त्वा ॥ 15 (30/33)

(मधु॑श्च-त्रि॒ंशत्) (A14)

T.S.1.4.15.1 - Kramam

इ॒न्द्रा॒ग्नी॒ आ । इ॒न्द्रा॒ग्नी॒ इती॑न्द्र-अ॒ग्नी॒ । आ॒ ग॒तम् । ग॒त॒ सु॒तम् ।
सु॒तम् गी॒र्भिः । गी॒र्भिर् न॒भः । न॒भो व॑रे॒ण्यम् । व॑रे॒ण्यमि॒ति व॑रे॒ण्यम् ॥
अ॒स्य पा॑तम् । पा॒तम् धि॒या । धि॒येषि॑ता । इ॒षि॒तेती॑षि॒ता ॥
उ॒प॒या॒म॒गृ॒ही॒तो॒ऽसि॑ । उ॒प॒या॒म॒गृ॒ही॒त इ॒त्यु॒प॒या॒म – गृ॒ही॒तः ।

अ॒सी॒न्द्रा॒ग्नि॒भ्याम्॑ । इ॒न्द्रा॒ग्नि॒भ्याम्॑ त्वा ।

इ॒न्द्रा॒ग्नि॒भ्यामि॒तीन्द्रा॒ग्नि॒ – भ्याम्॑ । त्वै॒षः । ए॒ष ते॑ । ते॒ योनिः॑ ।

यो॒नि॒रिन्द्रा॒ग्नि॒भ्याम्॑ । इ॒न्द्रा॒ग्नि॒भ्याम्॑ त्वा ।

इ॒न्द्रा॒ग्नि॒भ्यामि॒तीन्द्रा॒ग्नि॒ – भ्याम्॑ । त्वेति॑ त्वा ॥ 16 (20/24)

॥
(इन्द्रा॒ग्नी वि॒शतिः॑) (A15)

T.S.1.4.16.1 - Kramam

ओ॒मा॒सश्च॒र्ष॒णी॒धृतः॑ । च॒र्ष॒णी॒धृतो॑ वि॒श्वे॑ । च॒र्ष॒णी॒धृत॑ इति॑
च॒र्ष॒णि॒-धृतः॑ । वि॒श्वे॑ दे॒वासः॑ । दे॒वास॑ आ । आ॒ गत॑ । ग॒तेति॑ गत॑ ॥

दा॒श्वा॒सो दा॒शुषः॑ । दा॒शुषः॑ सु॒तम् । सु॒तमि॒ति सु॒तम् ॥

उ॒प॒या॒मगृ॒हीतो॑ऽसि । उ॒प॒या॒मगृ॒हीत॑ इत्यु॒प॒या॒म – गृ॒हीतः॑ । अ॒सि

वि॒श्वे॒भ्यः॑ । वि॒श्वे॒भ्यस्त्वा॑ । त्वा दे॒वे॒भ्यः॑ । दे॒वे॒भ्य ए॒षः । ए॒ष ते॑ ।

ते॒ योनिः॑ । यो॒निर् वि॒श्वे॒भ्यः॑ । वि॒श्वे॒भ्यस्त्वा॑ । त्वा दे॒वे॒भ्यः॑ ।

दे॒वे॒भ्य इति॑ दे॒वे॒भ्यः॑ ॥ 17 (20/22)

॥
(ओ॒मा॒सो वि॒शतिः॑) (A16)

T.S.1.4.17.1 - Kramam

मरु॒त्वन्तं॑ वृ॒षभ॑म् । वृ॒षभं॑ वा॒वृ॒धान॑म् । वा॒वृ॒धान॑म॒क॒वारि॑म् ।
 अ॒क॒वारि॑म् दि॒व्यम् । अ॒क॒वारि॑मित्य॒क॒वा-अ॒रि॑म् । दि॒व्यञ् शा॒सम् ।
 शा॒समि॒न्द्रम् । इ॒न्द्रमि॒तीन्द्र॑म् ॥ वि॒श्वासा॑ह॒मव॑से । वि॒श्वासा॑ह॒मिति॑
 वि॒श्व - सा॒हम् । अ॒वसे॑ नू॒तना॑य । नू॒तना॑यो॒ग्रम् । उ॒ग्रञ् स॒हो॒दाम् ।
 स॒हो॒दामि॑ह । स॒हो॒दामि॑ति स॒हः - दाम् । इ॒ह तम् । तञ् हु॒वेम॑ ।
 हु॒वेमे॑ति हु॒वेम॑ । उ॒पया॑म॒गृही॑तोऽसि । उ॒पया॑म॒गृही॑त
 इ॒त्यु॒पया॑म - गृ॒हीतः॑ । अ॒सीन्द्रा॑य । इ॒न्द्राय॑ त्वा । त्वा मरु॒त्वते॑ ।
 मरु॒त्वत॑ ए॒षः । ए॒ष ते॑ । ते यो॒निः । यो॒निरि॑न्द्राय । इ॒न्द्राय॑ त्वा ।
 त्वा मरु॒त्वते॑ । मरु॒त्वत॑ इति मरु॒त्वते॑ ॥ 18 (26/30)

(मरु॒त्वन्तञ्-षट्॒विंश॑तिः) (A17)

T.S.1.4.18.1 - Kramam

इ॒न्द्र मरु॒त्वः । मरु॒त्व इ॒ह । इ॒ह पा॑हि । पा॒हि सो॒मम् । सो॒मं यथा॑ ।
 यथा॑ शा॒र्या॑ते । शा॒र्या॑ते अ॒पिबः॑ । अ॒पिबः॑ सु॒तस्य॑ । सु॒तस्ये॑ति
 सु॒तस्य॑ ॥ तव॑ प्र॒णीती॑ । प्र॒णीती॑ तव॑ । प्र॒णीती॑ति प्र - नी॒ती ।
 तव॑ शूर॑ । शूर॑ शर्मन् । शर्मन्ना॑ । आ वि॒वास॑न्ति ।

प्रथम काण्डे – चतुर्थः प्रश्नः – (TS 1.4)

वि॒वा॒स॒न्ति॑ क॒वयः॑ । क॒वयः॑ सु॒य॒ज्ञाः॑ । सु॒य॒ज्ञा इति॑ सु – य॒ज्ञाः॑ ॥
उ॒प॒या॒म॒गृ॒ही॒तोऽसि॑ । उ॒प॒या॒म॒गृ॒ही॒त इत्यु॑प॒या॒म – गृ॒ही॒तः॑ ।
अ॒सी॒न्द्रा॒य । इ॒न्द्रा॒य त्वा । त्वा म॒रु॒त्व॒ते । म॒रु॒त्व॒त ए॒षः॑ । ए॒ष ते॑ ॥
ते यो॒निः॑ । यो॒नि॒रिन्द्रा॑य । इ॒न्द्रा॒य त्वा । त्वा म॒रु॒त्व॒ते ।
म॒रु॒त्व॒त इति॑ म॒रु॒त्व॒ते ॥ 19 (29/31) (इन्द्रै॒का॒न्न त्रि॒ंशत्) (A18)

T.S.1.4.19.1 - Kramam

म॒रु॒त्वाँ इन्द्र॑ । इन्द्र॑ वृष॒भः॑ । वृष॒भो र॒णाय॑ । र॒णाय॑ पिब॑ ।
पि॒बा सोम॑म् । सोम॑मनुष्व॒धम् । अ॒नुष्व॒धम् म॒दाय॑ ।
अ॒नुष्व॒धमि॒त्यनु॑ – स्व॒धम् । म॒दाये॑ति म॒दाय॑ ॥ आ सिञ्च॑स्व ।
सिञ्च॑स्व ज॒ठरे॑ । ज॒ठरे॑ म॒ध्वः॑ । म॒ध्व ऊ॒र्मिम् । ऊ॒र्मिम् त्वम्॑ ।
त्वँ र॒जा । र॒जाऽसि॑ । अ॒सि प्र॒दिवः॑ । प्र॒दिवः॑ सु॒ता॒नाम् । प्र॒दिव॑
इति॑ प्र – दि॒वः॑ । सु॒ता॒नामि॒ति सु॒ता॒नाम् ॥ उ॒प॒या॒म॒गृ॒ही॒तोऽसि॑ ।
उ॒प॒या॒म॒गृ॒ही॒त इत्यु॑प॒या॒म – गृ॒ही॒तः॑ । अ॒सी॒न्द्रा॒य । इ॒न्द्रा॒य त्वा ।
त्वा म॒रु॒त्व॒ते । म॒रु॒त्व॒त ए॒षः॑ । ए॒ष ते॑ ॥ ते यो॒निः॑ । यो॒नि॒रिन्द्रा॑य ।

इन्द्राय॑ त्वा । त्वा मरु॑त्वते । मरु॑त्वत इति॑ मरु॑त्वते ॥ 20 (29/32)

(मरुत्वानेकान्न त्रिंशत्) (A19)

T.S.1.4.20.1 - Kramam

महा॑ इन्द्रः । इन्द्रो॑ यः । य ओज॑सा । ओज॑सा पर्जन्यः । पर्जन्यो॑
वृष्टि॑मान् । वृष्टि॑मा इव । वृष्टि॑मानिति॑ वृष्टि – मान् । इवे॑तीव ॥

स्तोमै॑र् वथ्सस्य॑ । वथ्सस्य॑ वावृ॑धे । वावृ॑ध इति॑ वावृ॑धे ॥

उपया॑मगृहीतोऽसि । उपया॑मगृहीत इत्युपया॑म – गृही॑तः । अ॒सि
महेन्द्रा॑य । महेन्द्रा॑य त्वा । महेन्द्रा॑येति॑ महा – इन्द्रा॑य । त्वैषः॑ ।

एष॑ ते । ते योनिः॑ । योनि॑र् महेन्द्रा॑य । महेन्द्रा॑य त्वा ।

महेन्द्रा॑येति॑ महा – इन्द्रा॑य । त्वेति॑ त्वा ॥ 21 (19/23)

(महानेकान्न-विंशतिः) (A20)

T.S.1.4.21.1 - Kramam

महा॑ इन्द्रः । इन्द्रो॑ नृवत् । नृव॑दा । नृव॑दिति॑ नृ – वत् ।

आ च॑र्षणि॒प्राः । च॑र्षणि॒प्रा उत॑ । च॑र्षणि॒प्रा इति॑

च॑र्षणि – प्राः । उत॑ द्वि॒बर्हाः । द्वि॒बर्हा अ॒मिनः॑ । द्वि॒बर्हा

इति॑ द्वि – बर्हाः । अ॒मिनः॑ स॒होभिः॑ । स॒होभि॑रिति॑ स॒हः – भिः॑ ॥

प्रथम काण्डे – चतुर्थः प्रश्नः – (TS 1.4)

अ॒स्मद्भि॒र्यग् वा॒वृ॒धे । अ॒स्मद्भि॒र्यगि॒त्यस्म॑ – द्रि॒यक् । वा॒वृ॒धे वी॒र्या॑य ।
वी॒र्या॑यो॒रुः । उ॒रुः पृ॒थुः । पृ॒थुः सु॒कृतः॑ । सु॒कृतः॑ क॒र्तृभिः॑ । सु॒कृत॑
इति॒ सु – कृतः॑ । क॒र्तृभिर् भू॒त् । क॒र्तृभि॒रिति॑ क॒र्तृ – भिः॑ । भू॒दिति॑
भू॒त् ॥ उ॒पया॑मगृहीतोऽसि । उ॒पया॑मगृहीत इत्यु॒पया॑म – गृही॒तः ।
अ॒सि महे॑न्द्राय । महे॑न्द्राय त्वा । महे॑न्द्रायेति॒ महा – इन्द्रा॑य ।
त्वैषः॑ । ए॒ष ते॑ ॥ ते॒ योनिः॑ । योनि॑र् महे॑न्द्राय । महे॑न्द्राय त्वा ।
महे॑न्द्रायेति॒ महा – इन्द्रा॑य । त्वेति॑ त्वा ॥ 22 (26/35)

(महान् नृवथ् – षड्विंशतिः) (A21)

T.S.1.4.22.1 - Kramam

कदा॒ चन॑ । चन॑ स्तरीः । स्तरी॑रसि । अ॒सि न॑ । नेन्द्र॑ ।
इन्द्र॑ सश्चसि । सश्चसि॑ दाशुषे॑ । दाशुष॑ इति॒ दाशुषे॑ ॥ उ॒पोपे॑त् ।
उ॒पोपे॑त्युप – उ॒प ॥ इ॒न्नु । नु॑ म॒घव॑न् । म॒घव॑न् भूयः॑ । म॒घव॑न्निति॒
म॒घ – व॑न् । भूय॑ इत् । इ॒न्नु । नु॑ ते॑ । ते॒ दान॑म् । दान॑म् दे॒वस्य॑ ।
दे॒वस्य॑ पृ॒च्यते॑ । पृ॒च्यत॑ इति॒ पृ॒च्यते॑ ॥ उ॒पया॑मगृहीतोऽसि ।
उ॒पया॑मगृहीत इत्यु॒पया॑म – गृही॒तः । अ॒स्यादि॒त्येभ्यः॑ ।

आ॒दि॒त्ये॒भ्यस्त्वा॑ । त्वे॒ति॒ त्वा॑ ॥ क॒दा च॒न । च॒न प्र॑ । प्र॒ यु॒च्छ॒सि॑ ।
 यु॒च्छ॒स्यु॒भे॑ । उ॒भे नि॑ । उ॒भे इ॒त्यु॒भे॑ । नि॒ पा॒सि॑ । पा॒सि ज॒न्म॒नि॑ ।
 ज॒न्म॒नी इति॑ ज॒न्म॒नी ॥ तुरी॑यादि॒त्य । आ॒दि॒त्य स॒वन॒म् । स॒वन॒म् ते॑ ।
 त इ॒न्द्रि॒यम् । इ॒न्द्रि॒य॒मा॑ । आ त॒स्थौ॑ । त॒स्था॒व॒मृ॒तम्॑ ॥ अ॒मृ॒तम् दि॒वि॑ ।
 दि॒वीति॑ दि॒वि ॥ य॒ज्ञो दे॒वाना॑म् । दे॒वाना॑म् प्र॒ति॑ । प्र॒त्येति॑ । ए॒ति
 सु॒म्न॒म् । सु॒म्न॒मादि॒त्यासः॑ । आ॒दि॒त्यासो॑ भ॒वत॑ । भ॒वता॑ मृ॒डय॑न्तः ।
 मृ॒डय॑न्त इति॑ मृ॒डय॑न्तः ॥ आ वः॑ । वो॒र्वा॒ची॑ ॥ अ॒र्वा॒ची सु॒म॒तिः॑ ।
 सु॒म॒तिर् व॒वृ॒त्यात् । सु॒म॒तिरि॒ति॑ सु – म॒तिः॑ । व॒वृ॒त्याद॒होः॑ ।
 अ॒हो॒श्चित् । चि॒द्या॑ । या व॒रि॒वो॒वि॒त्तरा॑ । व॒रि॒वो॒वि॒त्तरा॑ ऽस॒त् ।
 व॒रि॒वो॒वि॒त्तरे॑ति॑ व॒रि॒वो॒वि॒त्-तरा॑ । अ॒स॒दि॒त्य॒स॒त् ॥ वि॒व॒स्व आ॒दि॒त्य॑ ।
 आ॒दि॒त्यैषः॑ । ए॒ष ते॑ ॥ ते सो॒म॒पी॒थः॑ । सो॒म॒पी॒थस्ते॑न॑ । सो॒म॒पी॒थ
 इति॑ सो॒म – पी॒थः॑ । तेन॑ म॒न्द॒स्व॑ । म॒न्द॒स्व ते॑न॑ । तेन॑ तृ॒प्य॑ । तृ॒प्य
 तृ॒प्या॒स्म॑ । तृ॒प्या॒स्म ते॑ । ते व॒यम् । व॒यम् त॑र्प॒यि॒तारः॑ । त॑र्प॒यि॒तारो॑ या ।
 या दि॒व्या॑ । दि॒व्या वृ॒ष्टिः॑ । वृ॒ष्टि॒स्तया॑ ॥ तया॑ त्वा । त्वा श्री॒णामि॑ ।

श्रीणामीति श्रीणामि ॥ 23 (77/84)

(वः- सप्तविंशतिश्च) (A22)

T.S.1.4.23.1 - Kramam

वाममद्य । अद्य सवितः । सवितर् वामम् । वाममु । उ श्वः ।
श्वो दिवेदिवे । दिवेदिवे वामम् । दिवेदिव इति दिवे – दिवे ।
वाममस्मभ्यम् ॥ अस्मभ्यं सावीः । अस्मभ्यमित्यस्म – भ्यम् ।
सावीरिति सावीः ॥ वामस्य हि । हि क्षयस्य । क्षयस्य देव । देव
भूरेः । भूरेरया । अया धिया । धिया वामभाजः । वामभाजः स्याम ।
वामभाज इति वाम-भाजः । स्यामेति स्याम ॥ उपयामगृहीतोऽसि ।
उपयामगृहीत इत्युपयाम – गृहीतः । असि देवाय । देवाय त्वा ।
त्वा सवित्रे । सवित्र इति सवित्रे ॥ 24 (24/28)

(वामं-चतुर्विंशतिः) (A23)

T.S.1.4.24.1 - Kramam

अदब्धेभिः सवितः । सवितः पायुभिः । पायुभिष्ट्वम् । पायुभिरिति
पायु – भिः । त्वं शिवेभिः । शिवेभिरद्य । अद्य परि । परि पाहि ।
पाहि नः ॥ नो गयम् । गयमिति गयम् । हिरण्यजिह्वः सुविताय ।

तैत्तिरीय संहिता क्रम पाठे (TS 1.4)

हिरण्यजिह्व इति हिरण्य - जिह्वः । सुविताय नव्यसे । नव्यसे रक्ष ।
रक्षा माकिः । माकिर्नः । नो अघशञ्सः । अघशञ्स ईशत ।
अघशञ्स इत्यघ - शञ्सः । ईशतेतीशत ॥ उपयामगृहीतोऽसि ।
उपयामगृहीत इत्युपयाम - गृहीतः । असि देवाय । देवाय त्वा ।
त्वा सवित्रे । सवित्र इति सवित्रे ॥ 25 (24/27)

(अदब्धेभि-स्त्रियोविञ्शतिः) (A24)

T.S.1.4.25.1 - Kramam

हिरण्यपाणिमूतये । हिरण्यपाणिमिति हिरण्य - पाणिम् । ऊतये
सवितारम् । सवितारमुप । उप ह्वये । ह्वय इति ह्वये ॥ स चेत्ता ।
चेत्ता देवता । देवता पदम् । पदमिति पदम् ॥ उपयामगृहीतोऽसि ।
उपयामगृहीत इत्युपयाम - गृहीतः । असि देवाय । देवाय त्वा ।
त्वा सवित्रे । सवित्र इति सवित्रे ॥ 26 (14/16)

(हिरण्यपाणिं-चतुर्दश) (A25)

T.S.1.4.26.1 - Kramam

सुशर्माऽसि । सुशर्मेति सु - शर्मा । असि सुप्रतिष्ठानः ।
सुप्रतिष्ठानो बृहत् । सुप्रतिष्ठान इति सु - प्रतिष्ठानः । बृहदुक्षे ।

प्रथम काण्डे – चतुर्थः प्रश्नः – (TS 1.4)

उ॒क्षे॑ नमः॑ । नम॑ ए॒षः । ए॒ष ते॑ । ते॑ यो॒निः । यो॒निर् विश्वे॑भ्यः ।
वि॒श्वेभ्य॑स्त्वा । त्वा दे॒वेभ्यः॑ । दे॒वेभ्य॑ इति॑ दे॒वेभ्यः॑ ॥ 27 (12/14)

(सु॒शर्मा॑-द्वा॒दश) (A26)

T.S.1.4.27.1 - Kramam

बृ॒हस्प॑तिसु॒तस्य॑ ते । बृ॒हस्प॑तिसु॒तस्येति॑ बृ॒हस्प॑ति – सु॒तस्य॑ ।
त इ॒न्द्रो । इ॒न्द्रो इ॒न्द्रि॒यावतः॑ । इ॒न्द्रो इती॑न्द्रो । इ॒न्द्रि॒यावतः॑
प॒त्नीव॑न्तम् । इ॒न्द्रि॒यावत॑ इती॑न्द्रि॒य – वतः॑ । प॒त्नीव॑न्तम् ग्र॒हम् ।
प॒त्नीव॑न्तमि॒ति प॒त्नी – व॑न्तम् । ग॒हम् गृ॒ह्णामि॑ । गृ॒ह्णाम्य॒ग्ना(३)इ॑ ।
अ॒ग्ना(३)इ॑ प॒त्नीवा॑(३)ः । प॒त्नीवा॑(३)ः स॒जूः । प॒त्नीवा॑(३) इति॑
प॒त्नी – वा॑(३)ः । स॒जूर् दे॒वेन॑ । स॒जूरिति॑ स – जूः॑ । दे॒वेन॑ त्वष्ट्रा॑ ।
त्वष्ट्रा॑ सोम॑म् । सोम॑म् पिब॑ । पिब॑ स्वाहा॑ । स्वाहे॑ति॒ स्वाहा॑ ॥ 28

(15/21) (बृ॒हस्प॑तिसु॒तस्य॑-पञ्च॒दश) (A27)

T.S.1.4.28.1 - Kramam

ह॒रिर॑सि । अ॒सि हा॒रियो॑जनः । हा॒रियो॑जनो ह॒र्योः॑ । हा॒रियो॑जन इति॑
हा॒रि – यो॑जनः । ह॒र्योः॑ स्था॒ता । स्था॒ता व॒ज्रस्य॑ । व॒ज्रस्य॑ भ॒र्ता ।
भ॒र्ता पृ॒श्नेः॑ । पृ॒श्नेः॑ प्रे॒ता । प्रे॒ता तस्य॑ । तस्य॑ ते॑ । ते॑ दे॒व ।

दे॒व सो॒म । सो॒मेष्ट॒यजु॑षः । इष्ट॒यजु॑षः स्तु॒तस्तो॑मस्य । इष्ट॒यजु॑ष
इती॒ष्ट – यजु॑षः । स्तु॒तस्तो॑मस्य शस्तो॒क्थस्य॑ । स्तु॒तस्तो॑मस्येति
स्तु॒त – स्तो॑मस्य । शस्तो॒क्थस्य॑ हरि॒वन्त॑म् । शस्तो॒क्थस्येति॑
शस्त – उ॒क्थस्य॑ । हरि॒वन्त॑म् ग्र॒हम् । हरि॒वन्त॑मिति हरि – वन्त॑म् ।
ग्र॒हम् गृ॒ह्णामि॑ । गृ॒ह्णामि॑ हरीः । हरीः स्थ । स्थ ह॒र्योः॑ । ह॒र्योर्
धा॒नाः । धा॒नाः सह॑सोमाः । सह॑सोमा इन्द्रा॒य । सह॑सोमा इति
सह – सो॒माः । इन्द्रा॒य स्वाहा॑ । स्वाहेति॑ स्वाहा॑ ॥ 29 (26/32)

(हरि॑रसि-षड्विं॑शतिः) (A28)

T.S.1.4.29.1 - Kramam

अ॒ग्न आ॒यू॒षि॑ । आ॒यू॒षि॑ पव॒से । पव॒स आ । आ सु॒व ।
सु॒वोर्ज॑म् । ऊ॒र्जमि॑षम् । इ॒षम् च । च नः॑ । न इति॑ नः ॥
आ॒रे बा॒धस्व॑ । बा॒धस्व॑ दु॒च्छुना॑म् । दु॒च्छुना॑मिति दु॒च्छुना॑म् ॥
उ॒पया॑मगृहीतोऽसि । उ॒पया॑मगृहीत इत्यु॒पया॑म-गृहीतः । अ॒स्यग्न॑र्ये ।
अ॒ग्नये॑ त्वा । त्वा ते॒जस्व॑ते । ते॒जस्व॑त ए॒षः । ए॒ष ते॑ । ते यो॒निः ।
यो॒निर॑ग्नये॑ । अ॒ग्नये॑ त्वा । त्वा ते॒जस्व॑ते । ते॒जस्व॑त इति॑ ते॒जस्व॑ते ॥

30 (23/24) (अ॒ग्न आ॒यू॒षि॑-त्रयो॑विं॑शतिः) (A29)

प्रथम काण्डे – चतुर्थः प्रश्नः – (TS 1.4)

T.S.1.4.30.1 - Kramam

उ॒त्ति॒ष्ठन्नो॒जसा॑ । उ॒त्ति॒ष्ठन्नित्यु॑त्-ति॒ष्ठन् । ओ॒जसा॑ स॒ह । स॒ह पी॒त्वा ।
पी॒त्वा शि॒प्रे ॥ शि॒प्रे अ॒वेप॑यः । शि॒प्रे इति॑ शि॒प्रे । अ॒वेप॑य
इत्य॑वेप॑यः ॥ सोम॑मिन्द्र । इन्द्र॑ च॒मू । च॒मू सु॒तम् । च॒मू इति॑ च॒मू ।
सु॒तमि॑ति सु॒तम् ॥ उ॒पया॑मगृहीतोऽसि । उ॒पया॑मगृहीत
इत्यु॑पया॑म – गृही॑तः । असीन्द्रा॑य । इन्द्रा॑य त्वा । त्वौज॑स्वते ।
ओज॑स्वत ए॒षः । ए॒ष ते ॥ ते यो॑निः । यो॒निरिन्द्रा॑य । इन्द्रा॑य त्वा ।
त्वौज॑स्वते । ओज॑स्वत इत्यो॑जस्वते ॥ 31 (19/25)

(उत्तिष्ठन्नेकविंशतिः) (A30)

T.S.1.4.31.1 - Kramam

तर॑णिर् वि॒श्वदर्श॑तः । वि॒श्वदर्श॑तो ज्योति॑ष्कृत् । वि॒श्वदर्श॑त इति॑
वि॒श्व – दर्श॑तः । ज्योति॑ष्कृद॒सि । ज्योति॑ष्कृदिति॑ ज्योतिः-कृ॑त् ।
अ॒सि सूर्य॑ । सूर्ये॑ति सूर्य॑ ॥ वि॒श्वमा॑ । आ भा॑सि । भा॒सि रो॒चनम् ।
रो॒चनमि॑ति रो॒चनम् ॥ उ॒पया॑मगृहीतोऽसि । उ॒पया॑मगृहीत
इत्यु॑पया॑म-गृही॑तः । अ॒सि सूर्या॑य । सूर्या॑य त्वा । त्वा भ्राज॑स्वते ।
भ्राज॑स्वत ए॒षः । ए॒ष ते ॥ ते यो॑निः । यो॒निः सूर्या॑य । सूर्या॑य त्वा ।

त्वा॑ भ्राज॑स्वते । भ्राज॑स्वत॒ इति॑ भ्राज॑स्वते ॥ 32 (20/23)

(तरणि॑-विंशतिः) (A31)

T.S.1.4.32.1 - Kramam

आ॑ प्याय॑स्व । प्याय॑स्व मदि॑न्तम । मदि॑न्तम सोम॑ । सोम॑ विश्वा॑भिः ।
विश्वा॑भिरू॒तिभिः॑ । ऊ॒तिभि॑रित्यू॒ति - भिः॑ ॥ भवा॑ नः ।

नः॑ सप्र॑थस्तमः । सप्र॑थस्तम॒ इति॑ सप्र॑थः - तमः॑ ॥ 33 (9/9)

(आ॑ प्याय॑स्व-नव) (A32)

T.S.1.4.33.1 - Kramam

ई॒युष्टे॑ । ते॒ ये । ये॒ पूर्व॑तराम् । पूर्व॑तरामप॑श्यन् । पूर्व॑तरामि॒ति
पूर्व॑ - तराम् । अप॑श्यन् व्यु॒च्छन्ती॑म् । व्यु॒च्छन्ती॑मु॒षसम्॑ ।
व्यु॒च्छन्ती॑मि॒ति वि - उ॒च्छन्ती॑म् । उ॒षसम्॑ म॒र्त्यासः॑ । म॒र्त्यास॑ इति॒
म॒र्त्यासः॑ ॥ अ॒स्माभि॑रु । ऊ॒ नु । नु॒ प्रति॑चक्ष्या । प्रति॑चक्ष्याऽभू॒त् ।
प्रति॑चक्ष्येति॒ प्रति॑-चक्ष्या॑ । अ॒भूदो॑ । ओ॒ ते । ओ॒ इत्यो॑ । ते॒ यन्ति॑ ।
यन्ति॑ ये । ये॒ अप॑रीषु । अप॑रीषु प॑श्यान् । प॑श्या॒निति॑
प॑श्यान् ॥ 34 (19/23) (ई॒यु-रे॒कान्न॑ विंशतिः) (A33)

T.S.1.4.34.1 - Kramam

ज्यो॒ति॒ष्म॒तीम् त्वा । त्वा सा॒दया॒मि । सा॒दया॒मि ज्यो॒ति॒ष्कृ॒तम् ॥
ज्यो॒ति॒ष्कृ॒तम् त्वा । ज्यो॒ति॒ष्कृ॒तमि॒ति ज्यो॒तिः – कृ॒तम् ॥
त्वा सा॒दया॒मि । सा॒दया॒मि ज्यो॒तिर्वि॒दम् ॥ ज्यो॒तिर्वि॒दम् त्वा ।
ज्यो॒तिर्वि॒दमि॒ति ज्यो॒तिः – वि॒दम् ॥ त्वा सा॒दया॒मि । सा॒दया॒मि
भा॒स्व॒तीम् । भा॒स्व॒तीम् त्वा । त्वा सा॒दया॒मि । सा॒दया॒मि ज्व॒लन्ती॑म् ।
ज्व॒लन्ती॑म् त्वा । त्वा सा॒दया॒मि । सा॒दया॒मि म॒ल्म॒लाभ॑वन्तीम् ।
म॒ल्म॒लाभ॑वन्तीम् त्वा । म॒ल्म॒लाभ॑वन्तीमि॒ति म॒ल्म॒ला – भ॑वन्तीम् ।
त्वा सा॒दया॒मि । सा॒दया॒मि दी॒प्यमा॑नाम् । दी॒प्यमा॑नाम् त्वा । त्वा
सा॒दया॒मि । सा॒दया॒मि रो॒चमा॑नाम् । रो॒चमा॑नाम् त्वा । त्वा सा॒दया॒मि ।
सा॒दया॒म्यज॑स्राम् । अज॑स्राम् त्वा । त्वा सा॒दया॒मि । सा॒दया॒मि
बृ॒हज्ज्यो॑तिषम् । बृ॒हज्ज्यो॑तिषम् त्वा । बृ॒हज्ज्यो॑तिषमि॒ति
बृ॒हत् – ज्यो॑तिषम् । त्वा सा॒दया॒मि । सा॒दया॒मि बो॒धय॑न्तीम् ।
बो॒धय॑न्तीम् त्वा । त्वा सा॒दया॒मि । सा॒दया॒मि जा॒ग्रती॑म् ।

जाग्रतीम् त्वा । त्वा सादयामि । सादयामीति सादयामि ॥ 35

(36/40) (ज्योतिष्मती-षट्त्रिंशत्) (A34)

T.S.1.4.35.1 - Kramam

प्रयासाय स्वाहा । प्रयासायेति प्र - यासाय । स्वाहा ऽयासाय ।
 आयासाय स्वाहा । आयासायेत्या - यासाय । स्वाहा वियासाय ।
 वियासाय स्वाहा । वियासायेति वि - यासाय । स्वाहा सम्यासाय ।
 सम्यासाय स्वाहा । सम्यासायेति सम्-यासाय । स्वाहोद्यासाय ।
 उद्यासाय स्वाहा । उद्यासायेत्युत् - यासाय । स्वाहा ऽवयासाय ।
 अवयासाय स्वाहा । अवयासायेत्यव - यासाय । स्वाहा शुचे ।
 शुचे स्वाहा । स्वाहा शोकाय । शोकाय स्वाहा । स्वाहा तप्यत्वै ।
 तप्यत्वै स्वाहा । स्वाहा तपते । तपते स्वाहा । स्वाहा ब्रह्महत्यायै ।
 ब्रह्महत्यायै स्वाहा । ब्रह्महत्याया इति ब्रह्म - हत्यायै । स्वाहा
 सर्वस्मै । सर्वस्मै स्वाहा । स्वाहेति स्वाहा ॥ 36 (24/31)

(प्रयासाय-चतुर्विंशतिः) (A35)

प्रथम काण्डे – चतुर्थः प्रश्नः – (TS 1.4)

T.S.1.4.36.1 - Kramam

चित्॑ स॒न्ताने॑न । स॒न्ताने॑न भ॒वम् । स॒न्ताने॑नेति॒ सम् – ताने॑न ।
भ॒वं य॑क्ना । य॒क्ना रु॒द्रम् । रु॒द्रम् तनि॑म्ना । तनि॑म्ना प॒शुप॑तिम् ।
प॒शुप॑ति॒ स्थूल॑हृदये॒न । प॒शुप॑तिमि॒ति प॒शु – प॑तिम् ।
स्थूल॑हृदये॒नाग्नि॑म् । स्थूल॑हृदये॒नेति॒ स्थूल – हृदये॑न । अ॒ग्नि॒
हृदये॑न । हृदये॑न रु॒द्रम् । रु॒द्रं लो॑हितेन । लो॒हिते॑न श॒र्वम् । श॒र्वम्
म॒तस्ना॑भ्याम् । म॒तस्ना॑भ्याम् म॒हादे॑वम् । म॒हादे॑व, म॒न्तःपा॑र्श्वेन ।
म॒हादे॑वमि॒तिम॒हा दे॑वम् । अ॒न्तःपा॑र्श्वेनौषि॒ष्ठह॑नम् ।
अ॒न्तःपा॑र्श्वेनेत्य॒न्तः – पा॑र्श्वेन । ओ॒षिष्ठ॑ह॒नश्शि॒ङ्गीनि॑को॒श्याभ्या॑म् ।
ओ॒षिष्ठ॑ह॒नमित्यो॑षिष्ठ – ह॒नम् । शि॒ङ्गीनि॑को॒श्याभ्या॑मि॒ति
शि॒ङ्गी – नि॑को॒श्याभ्या॑म् ॥ 37 (18/24)

(चित्त-मष्टादश) (A36)

T.S.1.4.37.1 - Kramam

आ तिष्ठ । तिष्ठ वृ॒त्रह॑न् । वृ॒त्रह॑न् रथम् । वृ॒त्रह॑न्निति॒ वृत्र – ह॑न् ।
रथं यु॒क्ता । यु॒क्ता ते । ते ब्र॑ह्मणा । ब्र॒ह्मणा॑ हरी । हरी इति॒ हरी ॥
अ॒र्वाची॑नश्च सु । सु ते । ते मनः । मनो॒ ग्रावा॑ । ग्रावा॒ कृ॑णोतु ।

कृ॒णो॒तु व॒ग्नुना॑ । व॒ग्नुने॑ति व॒ग्नुना॑ ॥ उ॒पया॑म॒गृही॑तोऽसि ।
 उ॒पया॑म॒गृही॑त इ॒त्युप॑या॒म – गृ॒हीतः॑ । अ॒सीन्द्रा॑य । इन्द्रा॑य त्वा ।
 त्वा षोड॑शिने॑ । षोड॑शिन ए॒षः । ए॒ष ते॑ । ते यो॑निः । यो॒निरिन्द्रा॑य ।
 इन्द्रा॑य त्वा । त्वा षोड॑शिने॑ । षोड॑शिन इति षोड॑शिने॑ ॥ 38

(26/28) (आ तिष्ठ-षट्विंशतिः) (A37)

T.S.1.4.38.1 - Kramam

इन्द्र॑मित् । इ॒द्धरी॑ । हरी॑ वह॒तः । हरी॑ इति हरी॑ ॥
 वह॒तो ऽप्र॑तिधृष्ट॒शव॑सम् । अ॒प्रतिधृष्ट॒शव॑स मृ॒षीणा॑म् ।
 अ॒प्रतिधृष्ट॒शव॑समित्य॒प्रतिधृष्ट॒शव॑सम् । ऋ॒षीणा॑म् च । च स्तु॒तीः ।
 स्तु॒तीरु॑प । उप॒ यज्ञ॑म् । य॒ज्ञम् च॑ । च मा॒नुषा॑णाम् । मा॒नुषा॑णामि॒ति
 मा॒नुषा॑णाम् ॥ उ॒पया॑म॒गृही॑तोऽसि । उ॒पया॑म॒गृही॑त
 इ॒त्युप॑या॒म – गृ॒हीतः॑ । अ॒सीन्द्रा॑य । इन्द्रा॑य त्वा । त्वा षोड॑शिने॑ ।
 षोड॑शिन ए॒षः । ए॒ष ते॑ । ते यो॑निः । यो॒निरिन्द्रा॑य । इन्द्रा॑य त्वा ।
 त्वा षोड॑शिने॑ । षोड॑शिन इति षोड॑शिने॑ ॥ 39 (23/26)

(इन्द्रमित्-त्रयोविंशतिः) (A38)

प्रथम काण्डे – चतुर्थः प्रश्नः – (TS 1.4)

T.S.1.4.39.1 - Kramam

असा॒वि॒ सोमः॑ । सोम॑ इन्द्र॑ । इन्द्र॑ ते॒ । ते॒ शवि॑ष्ठ । शवि॑ष्ठ धृ॒ष्णो॑ ।
धृ॒ष्णा॒वा । आ ग॑हि । ग॒हीति॑ गहि ॥ आ त्वा॑ । त्वा पृ॒णक्तु॑ ।
पृ॒णक्त्विन्द्रि॑यम् । इन्द्रि॑यं रजः॑ । रजः॑ सूर्य॑म् । सूर्य॑न् ।
न रश्मि॑भिः । रश्मि॑भिरिति॑ रश्मि॑ – भिः ॥ उप॒याम॑गृहीतोऽसि॑ ।
उप॒याम॑गृहीत॑ इत्युप॒याम॑ – गृहीतः॑ । असीन्द्रा॑य । इन्द्रा॑य त्वा ।
त्वा षोड॑शिने॑ । षोड॑शिन॑ एषः॑ । एष॑ ते॒ । ते॒ योनिः॑ । योनि॑रिन्द्रा॑य ।
इन्द्रा॑य त्वा । त्वा षोड॑शिने॑ । षोड॑शिन॑ इति॑ षोड॑शिने॑ ॥ 40

(27/28) (असा॒वि-सप्त॑विंशतिः) (A39)

T.S.1.4.40.1 - Kramam

सर्व॑स्य प्रति॒शीवरी॑ । प्रति॒शीवरी॑ भूमिः॑ । प्रति॒शीवरी॑ति॑
प्रति॑ – शीवरी॑ । भूमि॑स्त्वा । त्वोप॑स्थे॑ । उप॑स्थ आ । उप॑स्थ
इत्युप॑ – स्थे॑ । आऽधि॑त । अधि॑तेत्यधि॑त ॥ स्यो॒नाऽस्मै॑ ।
अस्मै॑ सु॒षदा॑ । सु॒षदा॑ भव॑ । सु॒षदे॑ति सु॒-सदा॑ । भव॑ यच्छ॑ ।
यच्छा॑स्मै । अस्मै॑ शर्म॑ । शर्म॑ सप्र॑थाः॑ । सप्र॑था इति॑ स – प्र॑थाः॑ ।
उप॒याम॑गृहीतोऽसि॑ । उप॒याम॑गृहीत॑ इत्युप॒याम॑ – गृहीतः॑ ।

अ॒सीन्द्रा॑य । इन्द्रा॑य त्वा । त्वा षोड॑शिने॑ । षोड॑शिने॑ ए॒षः । ए॒ष ते॑ ।
 ते यो॑निः । यो॒निरिन्द्रा॑य । इन्द्रा॑य त्वा । त्वा षोड॑शिने॑ ।
 षोड॑शिने॑ इति॑ षोड॑शिने॑ ॥ 41 (26/30)

(सर्व॑स्य षड्वि॑ंशतिः) (A40)

T.S.1.4.41.1 - Kramam

महा॑ ऽ इन्द्रः॑ । इन्द्रो॑ वज्र॑बाहुः । वज्र॑बाहुः षोड॑शी । वज्र॑बाहुरि॑ति
 वज्र॑ - बाहुः॑ । षोड॑शी शर्म॑ । शर्म॑ यच्छ॑तु । यच्छ॑त्विति॑ यच्छ॑तु ॥
 स्व॑स्ति नः । नो॑ मघ॑वा । मघ॑वा करो॑तु । मघ॑वेति॑ मघ॑ - वा ।
 करो॑तु हन्तु॑ । हन्तु॑ पाप्मान॑म् । पाप्मानं॑ यैः । योऽस्मान्॑ ।
 अस्मान्॑ द्वेष्टि॑ । द्वेष्टी॑ति द्वेष्टि॑ ॥ उप॑यामगृ॑हीतोऽसि॑ । उप॑यामगृ॑हीत
 इत्यु॑पयाम॑ - गृही॑तः । अ॒सीन्द्रा॑य । इन्द्रा॑य त्वा । त्वा षोड॑शिने॑ ।
 षोड॑शिने॑ ए॒षः । ए॒ष ते॑ । ते यो॑निः । यो॒निरिन्द्रा॑य । इन्द्रा॑य त्वा ।
 त्वा षोड॑शिने॑ । षोड॑शिने॑ इति॑ षोड॑शिने॑ ॥ 42 (26/29)

(महा॑न्-षड्वि॑ंशतिः) (A41)

प्रथम काण्डे – चतुर्थः प्रश्नः – (TS 1.4)

T.S.1.4.42.1 - Kramam

स॒जोषा॑ इन्द्र॑ । स॒जोषा॑ इति॑ स – जोषाः॑ । इन्द्र॑ सगणः॑ । सगणो॑
मरु॒द्धिः । सगण॑ इति॑ स – गणः॑ । मरु॒द्धिः सोम॑म् । मरु॒द्धिरिति॑
मरुत् – भिः॑ । सोम॑म् पिब । पिब॑ वृ॒त्रह॑न् । वृ॒त्रह॑ञ्छूर । वृ॒त्रह॑न्निति॑
वृ॒त्र – ह॑न् । शूर॑ वि॒द्वान् । वि॒द्वानिति॑ वि॒द्वान् ॥ जहि॑ शत्रून् ।
शत्रू॑रप । अप॑ मृ॒धः । मृ॒धो नुद॑स्व । नुद॑स्वाथ । अथा॑भयम् ।
अ॒भय॑म् कृणुहि । कृणु॑हि वि॒श्वतः॑ । वि॒श्वतो॑ नः । न॒ इति॑ नः ॥
उ॒पया॑मगृहीतोऽसि । उ॒पया॑मगृहीत॑ इत्यु॒पया॑म – गृहीतः॑ ।
असीन्द्रा॑य । इन्द्रा॑य त्वा । त्वा षोड॑शिने॑ । षोड॑शिन॑ एषः । एष॑ ते॑ ।
ते योनिः॑ । योनिरिन्द्रा॑य । इन्द्रा॑य त्वा । त्वा षोड॑शिने॑ । षोड॑शिन॑
इति॑ षोड॑शिने॑ ॥ 43 (30/35) (सजोषा-त्रिंशत्) (A42)

T.S.1.4.43.1 - Kramam

उ॒दु । उ॒ त्यम् । त्यम् जा॒तवे॑दसम् । जा॒तवे॑दसम् दे॒वम् ।
जा॒तवे॑दसमिति॑ जा॒त – वे॑दसम् । दे॒वं व॑हन्ति । व॒हन्ति॑ के॒तवः॑ ।
के॒तव॑ इति॑ के॒तवः॑ ॥ दृ॒शो वि॒श्वाय॑ । वि॒श्वाय॑ सूर्य॑म् । सूर्य॑मिति॑
सूर्य॑म् ॥ चि॒त्रम् दे॒वाना॑म् । दे॒वाना॑मुत् । उ॒दगा॑त् । अ॒गाद॑नीकम् ।

तैत्तिरीय संहिता क्रम पाठे (TS 1.4)

अनी॑कम् चक्षुः॑ । चक्षु॑र् मि॒त्रस्य॑ । मि॒त्रस्य॑ वरु॒णस्य॑ । वरु॒णस्याग्नेः॑ ।
अग्ने॑रित्यग्नेः॑ ॥ आऽप्राः॑ । अप्रा॑ द्यावा॑पृथि॒वी । द्यावा॑पृथि॒वी
अन्त॑रिक्षम् । द्यावा॑पृथि॒वी इति॑ द्यावा॑ – पृथि॒वी । अन्त॑रिक्ष॒ञ् सूर्यः॑ ।
सूर्य॑ आ॒त्मा । आ॒त्मा जग॑तः । जग॑तस्त॒स्थुषः॑ । त॒स्थुषश्च॑ ।
चेति॑ च ॥ अग्ने॑ नय॑ । नय॑ सु॒पथा॑ ॥ सु॒पथा॑ रा॒ये । सु॒पथेति॑
सु – पथा॑ । रा॒ये अस्मा॑न् । अस्मा॑न् वि॒श्वानि॑ । वि॒श्वानि॑ दे॒व ।
दे॒व व॒युनानि॑ । व॒युनानि॑ वि॒द्वान् । वि॒द्वानिति॑ वि॒द्वान् ॥ यु॒यो॒ध्यस्मत् ।
अस्म॑ज्जु॒हुराण॑म् । जु॒हुराण॑मे॒नः । ए॒नो भू॑यि॒ष्ठाम् । भू॑यि॒ष्ठान्ते॑ ।
ते नम॑उक्तिम् । नम॑उक्तिं वि॒धेम॑ । नम॑उक्तिमि॒ति नमः॑ – उ॒क्तिम् ।
वि॒धेम॑ेति॑ वि॒धेम॑ ॥ दि॒वम् गच्छ॑ । गच्छ॑ सु॒वः । सु॒वः पत॑ ।
पत॑ रू॒पेण॑ । रू॒पेण॑ वः । 44 (50/54)

T.S.1.4.43.2 - Kramam

वो॑ रू॒पम् । रू॒पम॑भि । अ॒भ्या । ऐ॒मि । ए॒मि व॑यसा । व॑यसा व॒यः ।
व॒य इति॑ व॒यः ॥ तु॒थो वः॑ । वो॑ वि॒श्ववे॑दाः । वि॒श्ववे॑दा वि । वि॒श्ववे॑दा
इति॑ वि॒श्व – वे॑दाः । वि॑ भ॒जतु॑ । भ॒जतु॑ व॒र्षि॑ष्ठे । व॒र्षि॑ष्ठे अ॒धि ।
अ॒धि ना॑के॑ । ना॒क इति॑ ना॑के॑ ॥ ए॒तत्ते॑ । ते॒ अग्ने॑ । अग्ने॑ रा॒धः ।

प्रथम काण्डे – चतुर्थः प्रश्नः – (TS 1.4)

रा॒ध आ॑ । ऐ॒ति । ए॒ति सो॒म॒च्यु॒तम् । सो॒म॒च्यु॒तम् तत् ।
सो॒म॒च्यु॒तमि॒ति सो॒म – च्यु॒तम् । तन्मि॒त्रस्य॑ । मि॒त्रस्य॑ प॒था । प॒था
न॒य । न॒य॒र्तस्य॑ । ऋ॒तस्य॑ प॒था । प॒था प्र॑ । प्रै॒त । इ॒त च॒न्द्र॒दक्षि॑णाः ।
च॒न्द्र॒दक्षि॑णा य॒ज्ञस्य॑ । च॒न्द्र॒दक्षि॑णा इ॒ति च॒न्द्र – दक्षि॑णाः ।
य॒ज्ञस्य॑ प॒था । प॒था सु॒वि॒ता । सु॒वि॒ता न॒यन्तीः॑ । न॒यन्ती॑र् ब्रा॒ह्म॒णम् ।
ब्रा॒ह्म॒णम॒द्य । अ॒द्य रा॒द्ध्य॒ास॒म् । रा॒द्ध्य॒ास॒मृषि॑म् । ऋषि॑मा॒र्षेय॑म् ।
आ॒र्षेय॑म् पि॒तृम॑न्तम् । पि॒तृम॑न्तम् पै॒तृम॑त्यम् । पि॒तृम॑न्तमि॒ति
पि॒तृ – म॑न्तम् । पै॒तृम॑त्य॒ सु॒धातु॑दक्षिणम् । पै॒तृम॑त्यमि॒ति
पै॒तृ – म॑त्यम् । सु॒धातु॑दक्षिणं वि॑ । सु॒धातु॑दक्षिणमि॒ति
सु॒धातु॑ – दक्षि॑णम् । वि॒ सु॒वः । सु॒वः प॒श्य । प॒श्य वि॑ ।
व्यन्त॑रि॒क्षम् । अ॒न्त॒रि॒क्षं य॑तस्व । य॑तस्व स॒दस्यैः॑ ।
स॒दस्यै॑र॒स्मद्वा॒त्राः । अ॒स्मद्वा॒त्रा दे॒व॒त्रा । अ॒स्मद्वा॒त्रा इ॒त्य॒स्मत्-दा॒त्राः ।
दे॒व॒त्रा ग॒च्छ॒त । दे॒व॒त्रेति॑ दे॒व – त्रा॑ । ग॒च्छ॒त म॒धु॒मतीः॑ ।
म॒धु॒मतीः॑ प्र॒दा॒ता॒रम् । म॒धु॒मती॑रि॒ति म॒धु – म॒तीः॑ । प्र॒दा॒ता॒र॒मा ।

प्र॒दा॒ता॒र॒मि॒ति॒ प्र - दा॒ता॒र॒म् । आ॒ वि॒श॒त॒ । वि॒श॒ता॒न॒व॒हा॒य॒ ।
 अ॒न॒व॒हा॒या॒स्मा॒न् । अ॒न॒व॒हा॒ये॒त्य॒न॒व - हा॒य॒ । अ॒स्मा॒न् दे॒व॒या॒ने॒न॒ ।
 दे॒व॒या॒ने॒न॒ प॒था॒ । दे॒व॒या॒ने॒ने॒ति॒ दे॒व - या॒ने॒न॒ । प॒थे॒त॒ । इ॒त॒ सु॒कृ॒ता॒म् ।
 सु॒कृ॒तां लो॒के॒ । सु॒कृ॒ता॒मि॒ति॒ सु - कृ॒ता॒म् । लो॒के॒ सी॒द॒त॒ । सी॒द॒त॒
 त॒त् । त॒न्नः॒ । नः॒ स॒॒स्कृ॒त॒म् । स॒॒स्कृ॒त॒मि॒ति॒ स॒॒ - स्कृ॒त॒म् ॥ 45

(68/81) (रूपेण-सदस्यै-रष्टादश च) (A43)

T.S.1.4.44.1 - Kramam

धा॒ता॒ रा॒तिः॒ । रा॒तिः॒ स॒वि॒ता॒ । स॒वि॒ते॒द॒म् । इ॒द॒म् जु॒ष॒न्ता॒म् । जु॒ष॒न्ता॒म्
 प्र॒जा॒प॒तिः॒ । प्र॒जा॒प॒ति॒र् नि॒धि॒प॒तिः॒ । प्र॒जा॒प॒ति॒रि॒ति॒ प्र॒जा - प॒तिः॒ ।
 नि॒धि॒प॒ति॒र् नः॒ । नि॒धि॒प॒ति॒रि॒ति॒ नि॒धि - प॒तिः॒ । नो॒ अ॒ग्निः॒ ।
 अ॒ग्नि॒रि॒त्य॒ग्निः॒ ॥ त्व॒ष्टा॒ वि॒ष्णुः॒ । वि॒ष्णुः॒ प्र॒ज॒या॒ । प्र॒ज॒या॒ स॒॒र्रा॒णः॒ ।
 प्र॒ज॒ये॒ति॒ प्र - ज॒या॒ । स॒॒र्रा॒णो॒ य॒ज॒मा॒ना॒य॒ । स॒॒र्रा॒ण इ॒ति॒
 सं - र्रा॒णः॒ । य॒ज॒मा॒ना॒य॒ द्र॒वि॒ण॒म् । द्र॒वि॒णं॒ द॒धा॒तु॒ । द॒धा॒त्व॒ति॒
 द॒धा॒तु॒ ॥ स॒मि॒न्द्र॒ । इ॒न्द्र॒णः॒ । नो॒ म॒न॒सा॒ । म॒न॒सा॒ ने॒षि॒ ।
 ने॒षि॒ गो॒भिः॒ । गो॒भिः॒ स॒म् । स॒॒ सूरि॒भिः॒ । सूरि॒भि॒र् म॒घ॒व॒न् ।
 सूरि॒भि॒रि॒ति॒ सूरि॒ - भिः॒ । म॒घ॒व॒न्त् स॒म् । म॒घ॒व॒न्नि॒ति॒ म॒घ - व॒न् ।

प्रथम काण्डे – चतुर्थः प्रश्नः – (TS 1.4)

स॒ स्व॒स्त्या । स्व॒स्त्ये॒ति स्व॒स्त्या ॥ स॒म् ब्र॒ह्म॒णा । ब्र॒ह्म॒णा
दे॒वकृ॑तम् । दे॒वकृ॑तं य॒त् । दे॒वकृ॑तमि॒ति दे॒व – कृ॒तम् । यद॑स्ति ।
अ॒स्ति स॒म् । स॒म् दे॒वाना॑म् । दे॒वाना॑ सु॒मत्या । सु॒मत्या
य॒ज्ञिया॑नाम् । सु॒मत्ये॒ति सु – म॒त्या । य॒ज्ञिया॑नामि॒ति य॒ज्ञिया॑नाम् ॥
सं व॑र्चसा । व॑र्चसा प॒यसा । प॒यसा स॒म् । स॒म् त॒नूभिः ।
त॒नूभि॑रग॒न्महि॑ । अ॒गन्म॑हि म॒नसा । म॒नसा स॒म् । स॒ शि॒वेन॑ ।
शि॒वेने॑ति शि॒वेन॑ ॥ त्व॒ष्टा नः॑ । नो॒ अत्र॑ । अत्र॑ व॒रिवः॑ ।
व॒रिवः॑ कृ॒णोतु॑ । कृ॒णो॒त्वनु॑ । 46 (50/58)

T.S.1.4.44.2 - Kramam

अ॒नु मा॒र्षु । मा॒र्षु त॒नुवः॑ । त॒नुवो॑ य॒त् । यद् वि॒लिष्ट॑म् । वि॒लिष्ट॑मि॒ति
वि – लि॒ष्टम् ॥ यद॑द्य । अ॒द्य त्वा॑ । त्वा॑ प्र॒यति॑ । प्र॒यति॑ य॒ज्ञे ।
प्र॒यती॑ति प्र – य॒ति । य॒ज्ञे अ॒स्मिन् । अ॒स्मिन् अ॒ग्ने॑ । अ॒ग्ने॑ हो॒तार॑म् ।
हो॒तार॑म॒वृणी॑महि । अ॒वृणी॑म॒हीह॑ । इ॒हेती॑ह ॥ ऋ॒धग॑याट् ।
अ॒याड्ध॑क् । ऋ॒धगु॑त । उ॒ताश॑मि॒ष्टाः । अ॒शमि॑ष्टाः प्र॒जान॑न् ।
प्र॒जान॑न् य॒ज्ञम् । प्र॒जान॑न्निति प्र – जा॒नन् । य॒ज्ञमु॑प । उ॒प या॑हि ।

तैत्तिरीय संहिता क्रम पाठे (TS 1.4)

या॒हि वि॒द्वान् । वि॒द्वानि॑ति वि॒द्वान् ॥ स्व॒गा वः । स्व॒गोति॑ स्व – गा ।
वो दे॒वाः । दे॒वाः स॒दनम् । स॒दनम॑कर्म । अ॒कर्म॑ ये । य आ॒जग्म॑ ।
आ॒जग्म॑ स॒वना । आ॒जग्मे॒त्या – जग्म॑ । स॒वने॒दम् । इ॒दम् जु॒षाणाः ।
जु॒षाणा॑ इति जु॒षाणाः ॥ ज॒क्षिवा॑ऽसः प॒पिवा॑ऽसः । प॒पिवा॑ऽसश्च ।
च वि॒श्वे ॥ वि॒श्वे ऽस्मे । अ॒स्मे ध॑त्त । अ॒स्मे इ॒त्यस्मे॑ । ध॑त्त व॒सवः ।
व॒सवो॑ व॒सूनि॑ । व॒सूनी॑ति व॒सूनि॑ ॥ या॒ना । आ॒ऽवहः॑ । अ॒वह॑ उ॒शतः॑ ।
उ॒शतो॑ दे॒व । दे॒व दे॒वान् । दे॒वान् ता॑न् । ता॑न् प्र । 47 (50/55)

T.S.1.4.44.3 - Kramam

प्रे॒रय॑ । ई॒रय॑ स्वे । स्वे अ॒ग्ने । अ॒ग्ने स॒धस्थे॑ ॥ स॒धस्थ॑ इति
स॒धस्थे॑ ॥ व॒हमा॑ना भ॒रमा॑णाः । भ॒रमा॑णा ह॒वीऽषि॑ । ह॒वीऽषि॑ व॒सुम् ॥
व॒सुम् घ॑र्मम् । घ॑र्मम् दि॒वम् । दि॒वमा॑ । आ ति॒ष्ठत॑ । ति॒ष्ठता॑नु ।
अ॒न्वित्य॑नु ॥ य॒ज्ञ य॒ज्ञम् । य॒ज्ञम् ग॑च्छ । ग॑च्छ य॒ज्ञप॑तिम् ।
य॒ज्ञप॑तिम् ग॑च्छ । य॒ज्ञप॑तिमि॒ति य॒ज्ञ – प॑तिम् । ग॑च्छ स्वा॒म् ।
स्वां यो॑निम् । यो॑निम् ग॑च्छ । ग॑च्छ स्वा॒हा । स्वा॒हैषः॑ । ए॒ष ते॑ ।
ते य॒ज्ञः । य॒ज्ञो य॒ज्ञप॑ते । य॒ज्ञप॑ते स॒हसू॑क्तवा॒कः ।

प्रथम काण्डे – चतुर्थः प्रश्नः – (TS 1.4)

य॒ज्ञ॒प॒त॒ इति॑ य॒ज्ञ – प॒ते । स॒ह॒सू॒क्त॒वा॒कः॑ सु॒वी॒रः॑ । स॒ह॒सू॒क्त॒वा॒कः॑
इति॑ स॒ह॒सू॒क्त – वा॒कः॑ । सु॒वी॒रः॑ स्वा॒हा । सु॒वी॒र इति॑ सु – वी॒रः॑ ।
स्वा॒हा दे॒वाः॑ । दे॒वा गा॒तु॒वि॒दः॑ । गा॒तु॒वि॒दो गा॒तु॒म् । गा॒तु॒वि॒द इति॑
गा॒तु-वि॒दः॑ । गा॒तुं वि॒त्वा । वि॒त्वा गा॒तु॒म् । गा॒तु॒मि॒त । इ॒त मन॑सः ।
मन॑सस्प॒ते । प॒त इ॒म॒म् । इ॒म॒म् नः॑ । नो॒ दे॒व । दे॒व दे॒वेषु॑ । दे॒वेषु॑
य॒ज्ञ॒म् । य॒ज्ञ॒ स्वा॒हा । स्वा॒हा वा॒चि॑ । वा॒चि॑ स्वा॒हा । स्वा॒हा वा॒ते॑ ।
वा॒ते॑ धाः॑ । धा इति॑ धाः॑ ॥ 48 (46/53)

(कृ॒णो॒तु-ता॒न-ष्टा॒च॒त्वा॒रि॒ञ्च॑) (A44)

T.S.1.4.45.1 - Kramam

उ॒रु॒ हि । हि॒ रा॒जा । रा॒जा व॑रुणः । व॑रुणश्च॒कार॑ । च॒कार॑ सू॒र्या॒य ।
सू॒र्या॒य प॑न्थाम् । प॑न्थामन्वे॒त॒वै । अन्वे॒त॒वा उ॑ । अन्वे॒त॒वा
इ॒त्य॒नु – ए॒त॒वै । उ॒वि॒त्यु ॥ अ॒प॒दे॒ पा॒दा । पा॒दा प्र॑तिधा॒त॒वै ।
प्र॑तिधा॒त॒वैऽकः॑ । प्र॑तिधा॒त॒व इति॑ प्र॒ति – धा॒त॒वै । अ॒क॒रु॒त ।
उ॒ता॒प॒व॒क्ता । अ॒प॒व॒क्ता हृ॒द॒या॒वि॒धः॑ । अ॒प॒व॒क्ते॒त्य॒प – व॒क्ता ।
हृ॒द॒या॒वि॒धश्चि॑त् । हृ॒द॒या॒वि॒ध इति॑ हृ॒द॒या – वि॒धः॑ । चि॒दि॒ति॑ चि॒त् ॥

श॒तम् ते॑ । ते॒ रा॒जन् । रा॒जन् भि॒षजः॑ । भि॒षजः॑ स॒हस्र॑म् ।
 स॒हस्र॑मु॒र्वी । उ॒र्वी ग॒म्भीरा॑ । ग॒म्भीरा॑ सु॒मतिः॑ । सु॒मति॑ष्टे॑ ।
 सु॒मति॑रिति॒ सु - म॒तिः । ते॒ अ॒स्तु । अ॒स्त्वित्य॑स्तु ॥ बा॒धस्व॑ द्वे॒षः ।
 द्वे॒षो निर्ऋ॑तिम् । निर्ऋ॑तिम् प॒राचैः॑ । निर्ऋ॑तिमि॒ति निः-ऋ॑तिम् ।
 प॒राचैः॑ कृ॒तम् । कृ॒तम् चि॒त् । चि॒दे॒नः । ए॒नः प्र॑ । प्र॑ मु॒मुग्धि॑ ।
 मु॒मुग्ध्य॑स्मत् । अ॒स्मदित्य॑स्मत् ॥ अ॒भिष्टि॑तो व॒रुण॑स्य । अ॒भिष्टि॑त
 इत्य॑भि - स्थि॒तः । व॒रुण॑स्य पा॒शः । पा॒शोऽग्नेः॑ । अ॒ग्नेर॑नी॒कम् ।
 अ॒नीक॑मपः । अ॒प आ॑ । आ॒ वि॒वेश॑ । वि॒वेशे॑ति वि॒वेश॑ ॥
 अ॒पाम् न॑पात् । न॒पात् प्र॑ति॒रक्ष॑न् । प्र॑ति॒रक्ष॑न्नु॒सूर्य॑म् ।
 प्र॑ति॒रक्ष॑न्निति॒ प्रति॑ - र॒क्षन् । अ॒सूर्य॑म् द॒मेद॑मे । द॒मेद॑मे॒ समि॑धम् ।
 द॒मेद॑म॒ इति॑ द॒मे - द॑मे । 49 (50/59)

T.S.1.4.45.2 - Kramam

स॒मिधं॑ यक्षि॑ । स॒मिध॑मि॒ति स॒म् - इ॒धम् । य॒क्ष्य॒ग्ने ।
 अ॒ग्न इत्य॑ग्ने ॥ प्र॑ति ते॑ । ते॒ जि॒ह्वा । जि॒ह्वा घृ॑तम् । घृ॑तमुत् ।
 उ॒च्च॒रण्ये॑त् । च॒रण्ये॑थ् स॒मुद्रे॑ । स॒मुद्रे॑ ते॑ । ते॒ हृ॒दय॑म् । हृ॒दय॑म॒प्सु ।
 अ॒प्स्वन्तः॑ । अ॒प्स्वित्य॑प् - सु॑ । अ॒न्तरि॑त्यन्तः ॥ स॒म् त्वा॑ ।

प्रथम काण्डे – चतुर्थः प्रश्नः – (TS 1.4)

त्वा॑ वि॒शन्तु॑ । वि॒शन्त्वो॑षधीः । ओ॒षधी॑रुत । उ॒तापः॑ । आपो॑
य॒ज्ञस्य॑ । य॒ज्ञस्य॑ त्वा । त्वा॑ य॒ज्ञप॑ते । य॒ज्ञप॑ते ह॒विर्भिः॑ । य॒ज्ञप॑त
इति॑ य॒ज्ञ – प॑ते । ह॒विर्भिरि॑ति ह॒विः – भिः॑ ॥ सू॒क्तवा॑के नमो॒वाके॑ ।
सू॒क्तवा॑क इति॑ सू॒क्त – वा॑के । नमो॒वाके॑ वि॒धेम॑ । नमो॒वाक॑ इति॑
नमः॑ – वा॑के । वि॒धेमा॑वभृथ । अव॑भृथ नि॒चङ्कु॑ण ।
अव॑भृथेत्य॒व – भृ॒थ । नि॒चङ्कु॑ण नि॒चेरुः॑ । नि॒चङ्कु॑णेति॑
नि – च॒ङ्कु॑ण । नि॒चेरु॑रसि । नि॒चेरु॑रिति॑ नि – चे॒रुः । अ॒सि
नि॒चङ्कु॑ण । नि॒चङ्कु॑णाव॑ । नि॒चङ्कु॑णेति॑ नि – च॒ङ्कु॑ण । अव॑
दे॒वैः । दे॒वैर् दे॒वकृ॑तम् । दे॒वकृ॑तमे॒नः । दे॒वकृ॑तमि॒ति दे॒व – कृ॑तम् ।
ए॒नोऽया॑ट् । अ॒याड॑व । अव॑ म॒र्त्यैः॑ । म॒र्त्यैर् म॒र्त्यकृ॑तम् ।
म॒र्त्यकृ॑तमु॒रोः । म॒र्त्यकृ॑तमि॒ति म॒र्त्य – कृ॑तम् । उ॒रोरा॑ । आ नः॑ ।
नो॒ दे॒व । दे॒व रि॑षः । रि॒षस्पा॑हि । पा॒हि सु॒मित्राः॑ । सु॒मित्रा॑ नः॑ ।
सु॒मित्रा॑ इति॑ सु – मि॒त्राः । न॒ आपः॑ । आप॑ ओ॒षध॑यः ।
ओ॒षध॑यः सन्तु । 50 (50/62)

T.S.1.4.45.3 - Kramam

स॒न्तु दु॒र्मि॒त्राः । दु॒र्मि॒त्रास्त॒स्मै ॥ दु॒र्मि॒त्रा इति॑ दुः – मि॒त्राः । त॒स्मै
 भू॒यासुः । भू॒यासु॒र् यः । योऽ॒स्मान् । अ॒स्मान् द्वेष्टि॑ । द्वेष्टि॑ यम् ।
 यम् च । च व॒यम् । व॒यम् द्विष्मः॑ । द्विष्मो॑ दे॒वीः । दे॒वीरा॒पः ।
 आ॒प ए॒षः । ए॒ष वः । वो॒ गर्भः॑ । गर्भ॒स्तम् । तं वः॑ । वः सु॒प्री॒तम् ।
 सु॒प्री॒तं सु॒भृ॒तम् । सु॒प्री॒तमि॒ति सु – प्री॒तम् । सु॒भृ॒तम॒कर्म॑ ।
 सु॒भृ॒तमि॒ति सु – भृ॒तम् । अ॒कर्म॑ दे॒वेषु॑ । दे॒वेषु॑ नः । नः सु॒कृतः॑ ।
 सु॒कृतो॑ ब्रू॒तात् । सु॒कृत॑ इति॑ सु – कृतः॑ । ब्रू॒तात् प्र॒तियु॑तः ।
 प्र॒तियु॑तो वरु॒णस्य॑ । प्र॒तियु॑त इति॑ प्र॒ति – यु॒तः । वरु॒णस्य॑ पा॒शः ।
 पा॒शः प्र॒त्यस्तः॑ । प्र॒त्यस्तो॑ वरु॒णस्य॑ । प्र॒त्यस्त॑ इति॑ प्र॒ति – अ॒स्तः ।
 वरु॒णस्य॑ पा॒शः । पा॒श ए॒धः । ए॒धोऽ॒सि । अ॒स्येधि॑षीम॒हि ।
 ए॒धिषी॑म॒हि स॒मित् । स॒मिद॑सि । स॒मिदि॑ति स॒म्-इत् । अ॒सि ते॒जः ।
 ते॒जोऽ॒सि । अ॒सि ते॒जः । ते॒जो म॑यि । म॑यि धे॒हि । धे॒ह्यपः॑ । अ॒पो
 अ॒नु । अ॒न्वचा॑रिषम् । अ॒चा॒रिषं॑ र॒सेन॑ । र॒सेन॑ स॒म् । स॒मसृ॑क्ष्म॒हि ।
 अ॒सृक्ष्म॑हीत्य॒सृक्ष्म॑हि ॥ प॒यस्वा॑ अ॒ग्ने । अ॒ग्न आ () । आ॒गम॑म् ।
 अ॒गम॑म् तम् । तम् मा॑ । मा॒ स॒म् । स॒ं सृ॑ज । सृ॒ज वर्च॑सा ।

वर्च॑सेति॒ वर्च॑सा ॥ 51 (58/63)

(द॒मे॒द॒म-ओष॑धय- आ-षट्च॑) (A45)

T.S.1.4.46.1 - Kramam

य॒स्त्वा॑ । त्वा॒ ह॒दा । ह॒दा की॑रिणा॒ । की॒रिणा॑ म॒न्य॒मा॒नः॑ ।

म॒न्य॒मा॒नोऽम॑र्त्यम् । अ॒म॒र्त्यम् म॑र्त्यः । म॒र्त्यो जौ॑ह॒वीमि॑ । जौ॑ह॒वीमी॒ति॒

जौ॑ह॒वीमि॑ ॥ जा॒तवे॑दो य॒शः । जा॒तवे॑द इति॒ जा॒त - वे॑दः ।

य॒शो अ॒स्मासु॑ । अ॒स्मासु॑ धेहि॒ । धे॒हि प्र॒जाभिः॑ । प्र॒जाभि॑र॒ग्ने ।

प्र॒जाभि॑रिति॒ प्र - जा॑भिः । अ॒ग्ने अ॒मृत॑त्वम् । अ॒मृत॑त्वम॒श्याम् ।

अ॒मृत॑त्वमि॒त्यमृत॑ - त्वम् । अ॒श्यामि॒त्यश्याम्॑ ॥ य॒स्मै त्वम् । त्वञ्

सु॒कृते॑ । सु॒कृते॑ जा॒तवे॑दः । सु॒कृत॑ इति॒ सु - कृ॑ते । जा॒तवे॑द उ ।

जा॒तवे॑द इति॒ जा॒त-वे॑दः । उ लो॒कम् । लो॒कम॒ग्ने । अ॒ग्ने कृ॑णवः ।

कृ॑णवः स्यो॒नम् । स्यो॒नमि॒ति स्यो॒नम् ॥ अ॒श्विनञ् सः॑ ।

स पु॒त्रिण॑म् । पु॒त्रिण॑म् वी॒रव॑न्तम् । वी॒रव॑न्तम् गो॒मन्त॑म् । वी॒रव॑न्तमि॒ति॒

वी॒र - व॑न्तम् । गो॒मन्तञ् र॒यिम् । गो॒मन्त॑मि॒ति गो - म॑न्तम् ।

र॒यिम् न॑शते । न॒शते॑ स्व॒स्ति । स्व॒स्तीति॑ स्व॒स्ति ॥ त्वे॑ सु ।

त्वे॑ इति॑ त्वे॑ । सु॑ पु॒त्र । पु॒त्र श॒वसः॑ । श॒वसोऽवृ॑त्रन् ।
 अ॒वृ॒त्रन् काम॑कातयः । काम॑कातय इति॑ काम॑-कातयः ॥ न त्वाम् ।
 त्वामि॑न्द्र । इ॒न्द्राति॑ । अति॑ रिच्यते । रि॒च्यत इति॑ रिच्यते ॥
 उ॒क्थ उ॒क्थे सोमः॑ । उ॒क्थ उ॒क्थ इत्यु॒क्थे-उ॒क्थे । सोम॑ इन्द्रम् ॥
 इन्द्रम्॑ ममाद । ममाद॑ नीथेनीथे । नीथेनीथे॑ मघवानम् ।
 नीथेनीथ॑ इति॑ नीथे॑ - नीथे॑ । मघवान॑ सु॒तासः॑ ।
 मघवानमिति॑ मघ॑ - वानम् । 52 (50/61)

T.S.1.4.46.2 - Kramam

सु॒तास॑ इति॑ सु॒तासः॑ ॥ यदी॑म् । ई॒ञ् स॒बाधः॑ । स॒बाधः॑ पि॒तरम्॑ ।
 स॒बाध इति॑ स॒ - बाधः॑ । पि॒तरन् । न पु॒त्राः । पु॒त्राः स॒मानद॑क्षाः ।
 स॒मानद॑क्षा अवसे॑ । स॒मानद॑क्षा इति॑ स॒मान॑ - द॒क्षाः । अवसे॑
 हव॑न्ते । हव॑न्त इति॑ हव॑न्ते ॥ अ॒ग्ने र॒सेन॑ । र॒सेन॑ ते॒जसा॑ । ते॒जसा॑
 जा॒तवे॑दः । जा॒तवे॑दो वि॒ । जा॒तवे॑द इति॑ जा॒त॑ - वे॒दः । वि॒ रो॒चसे॑ ।
 रो॒चस॑ इति॑ रो॒चसे॑ ॥ र॒क्षोहा॑ ऽमी॒वचा॑तनः । र॒क्षोहे॑ति॑ र॒क्षः - हा॑ ।
 अ॒मी॒वचा॑तन इत्यमी॒व॑ - चा॒तनः॑ ॥ अ॒पो अनु॑ । अ॒न्वचा॑रिषम् ।

अ॒चा॒रि॒ष॒ꣳ र॒से॒न । र॒से॒न॒ स॒म् । स॒म॒सृ॒क्ष्म॒हि ।
 अ॒सृ॒क्ष्म॒ही॒त्य॒सृ॒क्ष्म॒हि ॥ प॒य॒स्वा॒ꣳ अ॒ग्ने । अ॒ग्न॒ आ । आ॒ऽग॒म॒म् ।
 अ॒ग॒म॒न्त॒म् । त॒म् मा॑ । मा॒ स॒म् । स॒ꣳ सृ॒ज । सृ॒ज॒ वर्च॑सा ।
 वर्च॑से॒ति॒ वर्च॑सा ॥ व॒सु॒र् व॒सु॒प॒तिः । व॒सु॒प॒ति॒र् हि॒क॒म् ।
 व॒सु॒प॒ति॒रि॒ति॒ व॒सु॒-प॒तिः । हि॒क॒म॒सि॒ । अ॒स्य॒ग्ने । अ॒ग्ने॒ वि॒भा॒व॒सुः ।
 वि॒भा॒व॒सु॒रि॒ति॒ वि॒भा॒ - व॒सुः ॥ स्या॒म ते॑ । ते॒ सु॒म॒तौ । सु॒म॒ता॒व॒पि॒ ।
 सु॒म॒ता॒वि॒ति॒ सु॒ - म॒तौ । अ॒पी॒त्य॒पि ॥ त्वा॒म॒ग्ने । अ॒ग्ने॒ व॒सु॒प॒ति॒म् ।
 व॒सु॒प॒तिं॑ व॒सू॒ना॒म् । व॒सु॒प॒ति॒मि॒ति॒ व॒सु॒ - प॒ति॒म् । व॒सू॒ना॒म॒भि॒ ।
 अ॒भि॒ प्र॑ । प्र॒ म॒न्दे॑ । म॒न्दे॑ अ॒ध्व॒रे॒षु । 53 (50/57)

T.S.1.4.46.3 - Kramam

अ॒ध्व॒रे॒षु॒ रा॒ज॒न् । रा॒ज॒न्नि॒ति॒ रा॒ज॒न् ॥ त्व॒या॒ वा॒ज॒म् । वा॒जं॑
 वा॒ज॒य॒न्तः॑ । वा॒ज॒य॒न्तो॑ ज॒ये॒म । वा॒ज॒य॒न्त॒ इति॑ वा॒ज॒ - य॒न्तः॑ ।
 ज॒ये॒मा॒भि॒ । अ॒भि॒ष्या॑म । स्या॒म पृ॒थु॒सु॒तीः । पृ॒थु॒सु॒ती॒र् म॒र्त्या॑ना॒म् ।
 म॒र्त्या॑ना॒मि॒ति॒ म॒र्त्या॑ना॒म् ॥ त्वा॒म॒ग्ने । अ॒ग्ने॒ वा॒ज॒सा॒त॒म॒म् । वा॒ज॒सा॒त॒मं॑
 वि॒प्राः॑ । वा॒ज॒सा॒त॒म॒मि॒ति॒ वा॒ज॒ - सा॒त॒म॒म् । वि॒प्रा॒ वर्द्ध॑न्ति ।

व॒र्द्धन्ति॑ सु॒ष्टु॒तम् । सु॒ष्टु॒तमि॑ति सु - स्तु॒तम् ॥ स नः॑ । नो॒ रा॒स्व ।
 रा॒स्व सु॒वीर्य॑म् । सु॒वीर्य॑मि॒ति सु-वीर्य॑म् ॥ अ॒यम् नः॑ । नो॒ अ॒ग्निः ।
 अ॒ग्निर् वरि॑वः । वरि॑वः कृ॒णोतु॑ । कृ॒णो॒त्वय॑म् । अ॒यम् मृ॑धः ।
 मृ॑धः पु॒रः । पु॒र ए॒तु । ए॒तु प्र॒भिन्द॑न् । प्र॒भिन्द॑न्निति प्र - भि॒न्दन् ॥
 अ॒यं श॒त्रून् । श॒त्रून् ज॑यतु । ज॒यतु॑ ज॒र्ह॒षाणः॑ । ज॒र्ह॒षाणो॑ऽयम् ।
 अ॒यं वा॑जम् । वा॒जम् ज॑यतु । ज॒यतु॑ वा॒जसा॑तौ । वा॒जसा॑ता॒विति॑
 वा॒ज - सा॑तौ ॥ अ॒ग्निना॑ऽग्निः । अ॒ग्निः स॑म् । स॒मिद्ध्य॑ते ।
 इ॒द्ध्य॑ते क॒विः । क॒विर् गृ॑हपतिः । गृ॑हपतिर् यु॒वा । गृ॑हपतिरिति
 गृ॑ह - पतिः । यु॒वेति॑ यु॒वा ॥ ह॒व्यवा॑ड् जु॒ह्वास्यः॑ । ह॒व्यवा॑डिति
 ह॒व्य - वा॑ट् । जु॒ह्वास्य॑ इति जु॒हु - आ॑स्यः ॥ त्वं॑ हि । ह्य॒ग्ने () ।
 अ॒ग्ने अ॒ग्निना॑ । अ॒ग्निना॑ वि॒प्रः । वि॒प्रो वि॒प्रेण॑ । वि॒प्रेण॑ सन् ।
 स॒न्त् स॒ता । स॒तेति॑ स॒ता ॥ स॒खा स॒ख्या । स॒ख्या स॒मिद्ध्य॑से ।
 स॒मिद्ध्य॑स इति सं - इ॒द्ध्य॑से ॥ उ॒द॒ग्ने । अ॒ग्ने शु॑चयः ।
 शु॑चयस्तव । तव॑ वि । वि ज्योति॑षा । ज्योति॑षेति
 ज्योति॑षा ॥ 54 (54/68) (म॒घवा॑नं-म॒न्दे-ह्य॒ग्ने-चतु॑र्दश च) (A46)

Prasna Korvai with starting Padams of 1 to 46 Anuvaakams :-

आ ददे-वाचस्पतय-उपयामगृहीतोऽस्या -वायो - अयं वां -
यावां-प्रातर्युजा-वयं-तं -ये देवा-स्त्रिंश- दुपयामगृहीतोऽसी-
मूर्ध्वानं-मधुश्चे-न्द्राग्नि -ओमासो-मरुत्वन्त-मिन्द्र-मरुत्वो-
मरुत्वान्-महान्-महान्नुवत्-कदा-वाम-मदब्धेभि हिरण्यपाणिं-
सुशर्मा-बृहस्पति सुतस्य - हरिरस्य-ग्न- उत्तिष्ठन्-तरणि-
राप्यायस्वे-युष्टे ये- ज्योतिष्मतीं- प्रयासाय- चित्त-मातिष्ठे-न्द्र-
मसावि-सर्वस्य-महान्-सजोषा-उदुत्यं-धातो-रुं हि-यस्त्वा
षट्चत्वारिंशत् ।

Korvai with starting Padams of 1, 11, 21 Series of Panchaatis :-

(आ ददे-ये देवा-महा-नुत्तिष्ठन्-सर्वस्य-सन्तु दुर्मित्रा-
श्वतुष्पञ्चाशत् ।)

तैत्तिरीय संहिता क्रम पाठे (TS 1.4)

First and Last Padam of Fourth Prasnam :-

(आ ददे-वि ज्योतिषा ।)

॥ हरिः ओं ॥

॥ इति प्रथम काण्डे चतुर्थः प्रश्नः – क्रम पाठः समाप्तः ॥

=====

Details of Panchati ,Padam and Krama Vaakyams for Kandam 1 —
Prasnam 4 – TS 1.4

	Panchati	Padams	Krama Vaakyams
Anuvakam 1	2	109	127
Anuvakam 2	1	47	53
Anuvakam 3	1	57	67
Anuvakam 4	1	43	53
Anuvakam 5	1	20	24
Anuvakam 6	1	18	21
Anuvakam 7	1	19	23
Anuvakam 8	1	25	30
Anuvakam 9	1	26	31
Anuvakam 10	1	43	47
Anuvakam 11	1	42	46
Anuvakam 12	1	22	25
Anuvakam 13	1	35	40

प्रथम काण्डे – चतुर्थः प्रश्नः – (TS 1.4)

Anuvakam 14	1	30	33
Anuvakam 15	1	20	24
Anuvakam 16	1	20	22
Anuvakam 17	1	26	30
Anuvakam 18	1	29	31
Anuvakam 19	1	29	32
Anuvakam 20	1	19	23
Anuvakam 21	1	26	35
Anuvakam 22	1	77	84
Anuvakam 23	1	24	28
Anuvakam 24	1	23	27
Anuvakam 25	1	14	16
Anuvakam 26	1	12	14
Anuvakam 27	1	15	21
Anuvakam 28	1	26	32
Anuvakam 29	1	23	24
Anuvakam 30	1	21	25
Anuvakam 31	1	20	23
Anuvakam 32	1	9	9
Anuvakam 33	1	19	23
Anuvakam 34	1	36	40
Anuvakam 35	1	24	31
Anuvakam 36	1	18	24
Anuvakam 37	1	26	28
Anuvakam 38	1	23	26

तैत्तिरीय संहिता क्रम पाठे (TS 1.4)

Anuvakam 39	1	27	28
Anuvakam 40	1	26	30
Anuvakam 41	1	26	29
Anuvakam 42	1	30	35
Anuvakam 43	2	118	135
Anuvakam 44	3	148	166
Anuvakam 45	3	156	184
Anuvakam 46	3	164	186
Total →	54	1810	2085